

摘藻堂四庫全書薈要

史部

欽定四庫全書薈要

史部

御定資治通鑑綱目三編卷三十五


詳校官編修臣汪鏞



欽定四庫全書薈要卷七千四百三十七 史部

御定資治通鑑綱目三編卷二十五

起癸亥明世宗嘉靖四十二年盡壬申明穆宗隆慶六年 凡十年

 十二年夏四月總兵官俞大猷副總兵戚繼光等
擊倭于福建破之

自倭去柯梅浙東江北漸寧而患盡移于福建泊泉州之浯嶼掠同安惠安攻福寧寧德進圍福州經月不解蔓延興化奔突漳州迄無寧日閩人在朝者爭劾胡宗憲嫁禍帝不問既而宗憲以罪被逮倭尋陷興化府焚掠一空移據平海衛不去自倭躡東南破州縣衛所以百數未有及府城者興化故名郡最繁

富既陷遠近震動詔急徵大猷充總兵官繼光為副
合兵往討時劉顯自廣東赴援以兵少壁城下不敢
戰大猷至亦不欲攻俟大軍之集乃與顯別邀賊于
長樂殲之繼光先已破倭于橫嶼還浙江矣至是繼
光以浙江兵來會巡撫譚綸令繼光將中軍顯左大
猷右合攻賊于平海繼光先登左右軍繼之斬級二
千二百有奇還被掠者三千人倭遁去遂復興化其
侵犯他州縣者亦為諸將所破閩患少熄自倭起以
來二十餘載攻破城邑殺傷官吏人民不可勝紀轉
漕增餉天下騷然至是大創而去其後繼光大猷復
連敗之東南質實語嶼即金門在泉州府同安縣東
始得安枕矣南海中廣袤數十里同安五季閩
縣惠安宋縣明俱屬泉州府今因之平海衛明置今
裁故城在興化府莆田縣東長樂唐縣明屬福州府
今因之橫嶼在寧德縣東南海中胡宗憲以罪被逮
宗憲初因趙文華結歡嚴嵩父子文華死又因羅龍

文以進賂及嵩敗南京給事中陸鳳儀劾其黨嚴嵩及奸欺貪淫十大罪有詔逮問及宗憲至帝曰宗憲非嵩黨朕拔用八九年人無言者自累獻祥瑞為羣邪所疾今若加罪後誰為我任事者釋令閒住久之以萬壽節獻祕術十四帝大悅將復用矣會御史汪汝正籍羅龍文家上宗憲手書乃被劾時自擬旨授龍文以達世蕃者遂逮下獄宗憲自叙平賊功以獻瑞得罪言官且許汝正受賊事帝終憐之並下汝正獄宗憲竟瘦死汝正得釋戚繼光字元敬世襲登州衛指揮僉事諱綸字子理宜黃人

金星晝見

四月
始伏

冬十月錫林阿巴圖爾入寇京師戒嚴

敵所縱掠近甸京師戒嚴揚博職任中樞正宜急爲入告以速靖氣願烽火遠涉宮中竟以禱罪嚴秘致警報而不聞其罪實難復追乃揚言既伏刑誅而博竟以救援獲免總由廷臣恒以一遇寇警必以齒啟警之人而袒護私交雖以敵亦袒爲

虜數犯邊塞總督楊選囚繫三衛長托干令其子更送爲質托干者錫林阿妻父也冀以牽制錫林阿三衛皆怨至是錫林阿巴圖爾等潰牆子嶺入大掠順義三河諸將趙濤孫臙戰死京師戒嚴詔諸路兵入援虜駐內地八日大同總兵官姜應熊敗之于密雲乃退詔誅選初寇之入帝方祠登兵部尚書楊博不敢奏謀之徐階檄宣府總兵官馬芳等入援會帝見城東火光知寇已逼大驚諭階議逐寇而芳兵已先至階請亟賞之令專護京師及寇退帝怒博不早聞欲與楊選同論罪階力爲救解乃誅選而不罪博

質實 牆子嶺關名在密雲縣東北七十五里古北口之東南城周一里有奇三河唐置縣明屬通州

今屬順天府孫臙時官總兵趙濤官遊擊馬芳字德馨蔚州人巴圖爾舊作把都兒托干舊通作罕今並改

常事刑政愆失
若此國事安得
不壞耶

甲子四十三年春二月伊王典揆有罪廢為庶人國除

典揆貪而愆多持官吏短長不如指必搆之去既去
復折辱之御史行部過者揆要笞之縉紳往來率紆
途取他境經鄆外者府中人輒追抱其車詈其不朝
入朝者復辱以非禮府牆壞請更築乃奪取民舍以
廣其宮郎中陳大壯與郎鄰索其居不與使數千人
從大壯卧起奪其飲食竟餒死所為宮崇臺連城擬
帝闕有錦衣官校之陝者經洛陽典揆忽召官屬迎
詔鼓吹擁錦衣入捧一黃卷入官衆開讀曰密詔也
請遂趨錦衣去錦衣請王厚待之不知所以其夜大
張樂至曙府中人皆呼千歲詐謂天子特親我也閉
河南府城大選民間女子七百餘留其妹麗者九十
人不中選者以金贖都御史張永明等上言狀再遣
使往勘革祿三之二令壞所僭造宮城歸民間女執
羣小付有司典揆不奉詔部牒促之布政使持牒入

見揆曰賊何為者可用障撫耳撫按官以聞詔禮部會三法司議僉謂典揆淫暴無藩臣禮宜禁錮高墻削除世質實伊王典揆厲王撫之元孫撫太祖之伊封從之質實第二十五子也封國于洛陽張永明字

鍾誠烏

程人

倭犯仙遊總兵戚繼光大敗之福建倭平

時閩中舊倭畧平餘黨復糾新倭萬餘攻仙遊縣城圍之三曰繼光引兵馳赴之大戰城下賊敗趨同安繼光麾兵追之斬首數百級墜崖谷死者無算餘者尚數千奔漳浦繼光分其兵為五哨身自持短兵徒跣緣崖披荊棘而上迫賊壘賊伏發繼光氣愈厲督各哨兵入賊巢殊死戰又俘斬數百人于是閩寇悉平質實仙遊本莆田縣地唐析置清源縣屬泉州府天寶初改仙遊縣明屬興化府漳浦唐置縣

明屬漳州府
今皆因之

夏五月壬辰朔日有食之

乙丑四十四年春三月袁煒免

煒疾篤上疏乞歸道卒煒貴倨鮮腆故出徐階門直
以氣凌階館閣士出門下者斥辱尤不堪人皆畏而
惡之

嚴世蕃伏誅

世蕃論戍雷州未至而歸初嵩歸至南昌值萬壽節
使道士藍田玉為帝建醮鐵柱官田玉善召鶴嵩取
其符錄并己祈鶴文上之因乞移世蕃近地以便就
養詞甚哀帝不許而世蕃遽返羅龍文一詣成所即

逃還徽州數往來江西與世蕃計事世蕃大治園亭
勢燄不少衰其監工奴見袁州推官郭諫臣不為起
會南京御史林潤按視江防因與諫臣謀馳書盡發
其罪疏言臣巡視上江脩訪江洋羣盜悉竄入逃軍
羅龍文嚴世蕃家龍文卜築深山乘軒衣蟒陰有不
臣之心而世蕃日夜與龍文誹謗時政搖惑人心近
假名治第招集勇士至四千餘人道路洶洶咸謂變
且不測乞早正刑章以絕禍本帝得疏大怒即詔潤
逮捕之世蕃子紹庭官錦衣聞命急報世蕃使詣戍
所方二日潤已馳至世蕃猝不及赴乃械以行龍文
亦捕得于梧州既至京潤因復上書數世蕃罪畧
曰世蕃罪惡積非一日任彭孔為主謀羅龍文為羽
翼惡子嚴鵠嚴珍為爪牙占會城教倉吞宗藩府第
奪平民房而又改釐稅之宮以為家祠鑿穿城之池
以象西海直欄橫檻峻宇雕牆巍然朝堂之規模也
素城之中列為五府南府居鵠西府居鴻東府居紹

慶中府居紹庠而嵩與世蕃則居相府招四方之亡
命為護衛之壯丁森然分封之儀度也總天下之貨
寶盡入其家世蕃已踰天府諸子各官東南雖豪僕
嚴年謀客彭孔家資亦稱億萬民窮盜起職此之由
甚者畜養廝徒招納叛卒數十百人明稱官舍出沒
江廣劫掠士民其家人壽二銀一等除養刺客昏夜
殺人奪人子女金錢半歲之間事發二十有七而且
包藏禍心陰結典揆在朝則為寧賢居鄉則為宸濠
以一人之身而總羣姦之惡雖赤其族猶有餘辜嚴
嵩不顧子未赴任朦朧請移近衛既奉明旨居然藏
匿以國法為不足遵以公議為不足恤世蕃稔惡有
司受詞數千盡送父嵩嵩閱其詞而處分之尚可諉
于不知乎既知之又縱之又曲庇之此臣謂嵩不能
無罪也疏入帝怒詔下法司訊狀世蕃猶抵掌曰任
他燎原火自有倒海水已而聚其黨竊議自謂賄字
自不可掩然非上所深惡惟聚眾通倭之說得諛言

官使削去而故填楊沈下獄為詞則上必激而怒上怒乃可脫也謀既定乃令其黨揚言之刑部尚書黃光昇等亦以為然如其言具稿詣徐階議之階固已豫知姑問稿安在吏出懷中以進閱畢曰法家斷案良佳延入內屏右語曰諸君子謂嚴公子當死乎生乎曰死不足贖曰然則此案將殺之乎生之乎曰用楊沈正欲抵死徐階曰別自有說楊沈事誠犯天下公惡然楊以計中上所諱取特旨沈暗入招中取泛旨上豈肯自引為過一入覽疑法司借嚴氏歸過於上必震怒在事者皆不免嚴公子騎款段出都門矣眾愕然請更議曰稍遲事且洩從中敗事者必多事且變今當以原疏為主而闡發聚眾本謀乃出一稿于袖中獨按羅文龍與汪直交通賄世蕃求官世蕃用日者言以南昌倉地有王氣取以治第制擬王者又結宗人典樞陰伺非常多聚亡命南通倭北通虜共相響應即呼寫本吏入局戶令疾書用印封識

而世蕃不知也竊自喜計行謂龍文曰諸人欲以爾
我償楊沈命奈何龍文不應執其手耳語曰且暢飲
不十日釋縲紲善歸上因此念吾父別有恩命未可
知雖然先取徐階首當無今日吾父養恩故至此今
且歸用前計未晚誰謂阿儂智者龍文喜問故曰第
俟之已而階改疏上帝覽疏命法司鞠訊其實以聞
階因速具疏言事已勘實具有顯證請亟正典刑帝
從之命斬世蕃龍文于市二人聞相抱哭家人請寫
遺書謝其父不能成一字都人聞之大快各相約持
酒至西市看行刑籍其家黃金可三萬餘兩白金三
百餘萬兩他珍寶服玩所值又數百萬嵩及質寶鐵
諸孫皆為民後二年嵩老病寄食墓舍以死
宮在南昌城內中有錢柱相傳許遜所鑄以鎮蛟螭
之害明嘉靖改名妙濟萬壽宮郭諫臣長州人林潤
字若雨莆田人
黃光昇晉江人

夏四月以吏部尚書嚴納禮部尚書李春芳並兼武英

殿大學士預機務

簡擢出自廷推實為明代獎政嘉靖獨以特旨遷除似能矯正其失惜所授止及侍直諸臣而郭朴高拱仍由徐階薦得預機務究無當于拔本塞源其後張居正用事遂專任私意為進退

袁燁去後徐階當國屢請增閣臣故有是命帝眷侍直諸臣厚凡遷除皆出特旨春芳自學士至柄國凡六遷未嘗一由廷推

六月建玉芝宮

睿宗原廟前殿東柱產金色芝一本帝大悅告于太廟百官表賀因建玉芝宮十一月奉安獻皇帝后神主于玉芝宮

冬十一月嚴訥罷

迨末流而枚卜亦悉付廷推則更濁濫難制矣益用人乃馭下大權太阿宜宜旁落且命出于上即所用未能盡當而失不過一二人其患小若事出于下無論推讓未必皆公縱所舉果盡得人而黨援倖進之風將自此而起其患大命官立政顧可不

訥仍掌吏部晨理部事暮直西苑供奉青詞積勞成疾遂罷歸訥既歸里父母皆在晨夕備物孝養人以為榮嘗語人曰銓臣與輔臣必同心乃有濟吾秉銓二年適華亭當國諸事無阻且所任選郎賢舉無失人華亭謂徐階

質實

陸光祖字與繩平湖人

選郎謂陸光祖也

丙辰四十五年春正月福建地震

福州興化泉州三府同日地震

二月下戶部主事海瑞于獄

帝久不視朝深居西苑專意齋醮督撫大吏爭上符瑞禮官輒表賀廷臣自揚最揚爵得罪後無敢言時政者至是瑞獨上疏曰陛下即位初年敬一箴心冠履分辨天下欣然望治未久而妄念牽之謂避舉可

審于公私輕重
之間乎

欽定四庫全書

卷二十五

得一意修真竭民脂膏濫興土木二十餘年不視朝
法紀弛矣數年推廣捐納事例名器濫矣二王不相
見人以為薄於父子以猜嫌誹謗殘辱臣下人以為
薄于君臣樂西苑而不返人以為薄于夫婦吏貪官
橫民不聊生水旱無時盜賊滋熾陛下試思今日天
下為何如乎古者人君有過賴臣工匡弼今于修齋
建醮相率進香仙挑天藥同辭表賀建宮築室則將
作竭力經營購香市寶則度支差求四出陛下誤舉
之而諸臣誤順之無一人肯為陛下正言者搜之甚
也且陛下之誤多矣其大端在於齋醮齋醮以求
長生也自古聖賢垂訓修身立命曰順受其正矣未
聞有所謂長生之說陛下受術於陶仲文以師稱之
仲文則既死矣彼不長生而陛下何獨求之至於仙
挑天藥怪妄尤甚昔宋真宗得天書于乾祐山孫奭
曰天何言哉豈有書也挑必採而後得藥必製而後
成今無故獲此二物是有足而行耶曰天賜者有手

執而付之耶此左右奸人造為妄誕以欺陛下誤信之以為實然過矣陛下又將謂懸刑賞以督責臣下則分理有人天下無不可治而修真為無害已乎太甲曰有言逆于汝心必求諸道有言遜于汝志必求諸非道用人而必欲其唯言莫違此陛下之計左也即觀嚴嵩有一不順陛下者乎昔為同心今為戮首矣梁材守道守官陛下以為逆者也歷任有聲官戶部者即今首稱之然諸臣寧為嵩之順不為材之逆得非有以窺陛下之微而潛為趨避乎即陛下亦何利于是陛下誠知齋醮無益一旦翻然悔悟日御正朝與宰相侍從講求天下利害洗數十年之積誤使諸臣亦得自洗數十年阿君之恥天下何憂不治萬事何憂不治此在陛下下一振作間而已釋此不為而切切于輕舉度世散精勞神以求之於繫風捕影茫然不可知之域臣見勞苦終身而無成也帝得疏大怒抵之地顧左右曰趨執之無使得遁宦官黃錦在

側曰此人素有癡名聞其上疏時自知觸忤當死市一棺訣妻子待罪于朝僮僕亦奔散無留者是不遁也帝默然少頃復取讀之為感動太息留中者數月嘗曰此人可方比干第朕非紂耳會帝有疾煩懣不樂召徐階議內禪因曰海瑞言俱是朕今病久安能視事又曰朕不自謹惜致此疾困使朕能出御便殿豈受此人詔詈耶遂逮瑞下詔獄究主使者尋移刑部論死獄上階力救奏遂留中

發明

嘉靖朝諸大臣多以青詞干進諛成風從未有以齋醮為非者海瑞疏陳痛切其忠君愛國之忱自然濫于楮墨視明代掠浮詞而抗疏者大相逕庭矣乃嘉靖始聞之而怒繼取讀之感動太息且留中數月深然其言引咎愧悔以此切諭輔臣然終逮瑞下獄豈護疾忌醫根于素性抑由當時臣工阿順為習久未聞此逆耳之言也瑞疏云使諸臣亦得洗數十年阿君之恥置身于臯

夔伊傳之列天下安得不治是瑞亦久見于此矣

三月以吏部尚書郭朴兼武英殿大學士禮部尚書高拱兼文淵閣大學士並預機務

朴拱皆由徐階薦召入直廬至是同入閣質實高拱字肅卿新鄭人

夏四月壬戌朔日有食之

六月旱

戊寅以久旱帝親禱雨於凝道雷軒越三日雨羣臣表賀

秋七月寇犯萬全右衛總兵官馬芳擊敗之

錫林阿以十萬騎入西路芳迎之馬蓮堡堡圯衆請塞之不可請登臺亦不可開堡四門偃鼓寂若無人比暮野燒燭天囂呼達旦芳卧日中不起敵騎窺者相屬莫測所為明日芳蹶然起乘城指示衆曰彼軍多反顧且走勒兵追擊大破之

冬十月振淮徐饑

淮徐告饑命巡鹽御史以修河銀一萬二千兩振之

閏十月諳達寇大同叅將崔世榮戰死

時諳達屢犯東西諸塞及冬犯固原總兵官郭江敗死又犯偏頭關及大同世榮禦之與其子大朝大賔俱力

戰死

十一月帝有疾

先是帝以久病忽欲南幸興都取藥徐階力諫乃止
既而服方士王金等所獻丹藥病遂甚時方士至者
日衆帝知其妄無殊錫王金思所以動帝乃偽造諸
品仙方與所製金石藥同進其方詭祕藥性燥非服
食所宜帝御之稍稍
火發病遂不能愈

十二月帝崩

庚子帝大漸自西苑還乾清宮是日崩徐階草遺詔
召用建言得罪諸臣死者卹錄方士付法司問罪一
切齋醮工作及政令不便者悉罷之詔下朝野號慟
感激時高拱郭朴以階不與共謀不樂朴曰徐公謗
先帝可斬也兩
人遂與階有隙

發明

大臣秉與國事當虛己和衷惟求其是所謂功不必自己出名不必自己成乃為得之此

猶言其無事時也若當草寫遺詔于哀痛呼擔之餘商國家根本之務此何時也而可以嫌疑生分別者耶觀徐階所草詔猶能切中當時弊政為高拱郭朴者自當贊助其成何至以己未與之故而遂生忌嫉造謗謀孽竟欲各分門戶甚至數年後拱專國政一切盡反階之所為而啟其釁者實惟郭朴一言朴安得無罪哉

裕王載堉即位

是為穆宗以明年為隆慶元年赦天下免明年天下田賦之半及嘉靖四十三年以前逋賦

釋海瑞于獄

先是瑞在獄猶未聞大行狀提牢主事先知之以瑞
且見用設酒饌款之瑞自疑當赴西市恣飲噉不顧
主事因附耳語宮車適晏駕先生今即出大用矣瑞
曰信然乎即大慟盡嘔出所飲食隕絕于地終夜哭
不絕聲及是既釋復
故官俄再遷大理丞

丁卯 穆宗莊皇帝隆慶元年春正月罷睿宗明堂配享

時禮部奉詔會議郊社諸典禮及祔塋祔享諸制尚
書高儀上言先帝肇祀明堂奉睿宗配享今陛下踐
祚睿宗已為皇祖若仍配享上帝似非
質實高儀字子象錢
周人宗祀文王之義請罷大享禮從之
人塘

增設江浙巡漕御史

時漕政廢弛有司怠緩軍衛遷延重以運官科求旗
甲侵廢弊端百出以致漕運失期舊制江北糧米當
十二月以內過淮遠者不過次年之三月時有遲至
次年六七月者山東糧米當四月運完遠者不過七
月時有遲至十一月者至是戶科給事中何起鳴請
於南直隸浙江杭嘉湖增設御史一員令專理漕運
其濟寧以南河道舊屬兩淮巡鹽御史帶管者并亦
委之監兌時則巡歷淮安以南水盛時則巡歷徐州
以北庶河道漕運可
質實何起鳴
兼攝而並舉從之內江人

追尊母杜氏為孝恪皇太后

二月立皇后陳氏

后通
州人

以陳以勤為禮部尚書兼文淵閣大學士張居正為吏部侍郎兼東閣大學士並預機務

以勤居正俱侍裕邸講讀至是並參大政時徐階以宿老居首輔與李春芳皆折節下士居正最後入獨引相體倨見六卿無所延納間出一質實陳以勤字語輒中肯人以是嚴憚之重於他相

質實

陳以勤字逸甫南充人張居正字叔大江陵人

發明

徐階以耆宿老成久居政府猶持謙牧之懷居正甫參大政輒爾倨見六卿妄自尊大宜

為衆所訾議也蓋居正自恃幹濟之材出諸臣右又以潛邸舊恩欲自異于他相因而罔恤人言倨傲日甚厥後秉政之專竟致威權震主百僚側目驕吝之氣蓋已中于入閣之初雖云才美不足觀

己

三月葬永陵

謚曰欽天履道英毅聖神宣文廣武洪仁大
孝肅皇帝孝潔肅皇后孝恪皇太后同祔
質實孝

皇太后陳氏世宗元配孝
恪杜太后穆宗生母

明史贊曰世宗御極之初力除一切弊政天下翕
然稱治顧迭議大禮輿論沸騰倖臣假托尋興大
獄夫天性至情君親大義追尊立廟禮亦宜之然
升祔太廟而躋于武宗之上不已過乎若其時紛
紜多故將疲於邊賊誣於內而崇尚道教享祀弗
經營建繁興府藏告匱百餘年富庶治平之業因
以漸替雖剪剔權奸威柄
在御要亦中材之主也矣

夏四月御經筵

徐階等言自古帝王莫不以講學為首務茲山陵事畢祔廟禮成經筵日講正惟其時請特舉行從之

五月夏鎮新河成

初嘉靖七年河溢阻運總河都御史盛應期請于昭陽湖東別鑿新渠以通漕開濬百四十餘里尅期六月工未成會應期罷役中止至四十四年河大決沛縣飛雲橋分為十數股潰入昭陽運道於塞百餘里督理河漕尚書朱衡循行應期舊迹請開南陽留城上下築堤呂孟湖以防潰決總河都御史潘季馴以為濬舊渠便議與衡不合衡言是河直秦溝有所束隘伏秋黃水盛昭陽受之不為壑也乃決計開濬身自督工重懲不用命至是河成西去舊河三十餘里舊河自留城以北經穀亭而至南陽新河亦自留城

而北經夏鎮而至南陽與舊河合謂之夏鎮河凡百
四十里有奇又引鮎魚諸泉及薛河沙河注之築馬
家橋隄過黃水入秦溝使不東侵運道乃大通方工
未成會河復決論者紛然謂衡故興難成之役以梓
功及工竣羣議乃息未幾山水驟溢新河決壞漕艘
數百給事中吳時來言新河受東兗以南費澤鄒滕
之水以一堤捍羣流豈能不潰宜分之以
殺其勢衡乃開支河四洩其水入赤山湖
質實夏鎮在徐
州府沛縣東北四十里南去留城四十四里昭陽湖
在沛縣東北八里有大小二湖相連南屬沛北屬山
東滕縣亦名山陽湖南陽鎮名在兗州府魚臺縣東
北留城在沛縣東南五十里故宋地秦置縣漢張良
封留侯即此地呂孟湖在徐縣東南四十里秦溝在
徐州府銅山縣東北鮎魚泉在滕縣凡三十四泉薛
河在滕縣源出寶峯山匯諸泉而為淵西經薛山因
名薛河沙河有二俱在滕縣在縣北者曰北沙河源

出鄒縣嶧山在縣南者曰南沙河即古鄒水源出縣之述山下流俱入運河馬家橋在沛縣赤山湖在滕縣西南與微山韓莊諸湖相連盛應期字思徵吳江人朱衡字士南萬安人潘季馴字時良烏程人吳時來是時以遺詔復故官

高拱罷

初徐階甚親拱引入直及拱驟貴負氣頗忤階世宗居西苑閣臣直廬在苑中拱未有子移家近直廬時竊出一日帝不豫誤傳非常拱遽移直廬器用於其家給事中胡應嘉階鄉人也矚階方與拱隙遂劾拱不守直廬移器用于外世宗病亟勿省也拱疑應嘉受階指大憾之及帝即位階雖為首輔而拱自以帝舊臣數與之抗郭朴復助之階漸不能堪是時應嘉掌吏科佐部院考察事將竣忽有所論救帝責其抵

牾下閣臣議罰朴奮然曰應嘉無人臣禮當編氓階
旁睨拱見拱方怒勉從之言路謂拱以私怨逐應嘉
交章劾之給事中歐陽一敬劾拱尤力階於拱辦疏
擬旨慰留而不甚譴言者拱益怒相與忿詆閭中御
史齊康為拱劾階康坐默於是言路
論拱者無虛日拱不自安乞罷歸
一敬字司直彭澤
人齊康永平人
質實 胡應嘉 陽人 歐陽

六月霪雨傷稼

帝素服修省避殿
御皇極門視事

秋七月遣使招撫山東河南被災流民

從刑科給事中王之垣請也流民失業者給復五年
其糧長稱收火耗夫馬折乾廩給扣送諸弊一切釐

草質實

王之垣濟南新城人

八月帝視國子監

朝鮮國貢臣乞留京師觀禮許之是日帝行釋奠禮畢御彛倫堂宣諭祭酒司業及諸生等仍賜行聖公孔尚賢及三氏子孫并祭酒司業等宴于禮部

九月諳達寇山西

時邱富已死趙全在番益用事尊諳達為帝治宮殿期日上棟忽大風棟墜傷數人諳達懼不敢居全乃為暗達言大同兵弱亭障稀可以逞因屢入犯山西至是復率眾數萬分道入井坪朔州偏頭關老營諸處邊將不能禦遂長驅破石州殺知州王亮采大掠孝義介休平遙文水交城太谷隰州間男女死者數

萬而三衛勾土默特同時入寇薊鎮昌黎撫寧樂亭
盧龍皆被蹂躪遊騎至灤河京師震動三日乃引去
諸將追之敵出義院口會大霧迷質實井坪在朔平
失道墜崖中人馬枕藉死者甚衆府平魯縣南
朔州西北明成化中建置守禦千戶所老營堡名在
寧武府偏關縣東亦成化中建孝義後魏置永安縣
唐改曰孝義明屬汾州府文水漢大陵縣隨改曰文
水明屬太原府交城隋置縣明屬太原府今皆因之樂亭唐石
邑縣隨改曰太谷明屬太原府今皆因之樂亭唐石
城縣金大定末置樂亭縣明屬灤州今屬永平府義
院口在撫寧
縣東北有關

郭朴罷

初言官劾高拱者多及朴拱歸朴亦求去帝因留之
御史龐尚鵬凌儒等攻不止遂乞歸朴輔政凡二年

至是以尚鵬等攻之三疏乞歸家
質實龐尚鵬字可

居二十餘年卒贈太傅謚文簡
儒泰南南海人凌

總兵官李世忠與土默特戰于寧撫京師戒嚴

先是土默特寇薊鎮命總督劉燾總兵李世忠等率
兵禦之至是世忠引兵東援永平與敵遇於撫寧縣
南斬首五十級時諸達兵尚留石州間出精騎抄掠
交汾等處山西騷動總督王之誥請增兵赴援詔發
宣府遊兵及保定巡撫曹亨河南巡撫劉應節延綏
總兵趙尙各引兵分道救石州之誥馬芳仍留本鎮
東防京師戒嚴詔五城御史詰察非常漕糧集河下
者令巡倉御史督護入城救羣臣條議京城防守事
宜自是月乙亥至十月
丙戌寇始退京師解嚴

冬十月以王崇古總督三邊

時濟農據河套為西郵諸部長別部並圖駐牧大小松山南擾河湟番族環四鎮皆寇乃擢崇古兵部侍郎兼右僉都御史總督山西延寧甘肅軍務崇古奏給四鎮旗牌撫臣得用軍法督戰又指畫地圖分授諸大將趙奇雷龍等數有功崇古在陝七年先後獲首功甚多

質實

大松山在涼州府平番縣東北

接蘭州界小松山在其北為邊郵要地併圖舊作賓土今改

戊辰二年春正月杖給事中石星于廷黜為民

吏科給事中石星言天下之治不日進則日退人君之心不日強則日偷臣竊見陛下入春以來為蘊山之樂縱長夜之飲極聲色之娛朝講久廢章奏遏抑一二內臣戚福自恣肆無忌憚天下將不可救用是

條上六事一曰養聖躬二曰講聖學三曰勤視朝四曰速俞允五曰廣聽納六曰察讒譖疏入上怒以為惡言訕上命廷杖六十點為民時中官滕祥者以造作奇巧得幸會監杖星大詬之詳怒予重杖星絕而復甦其妻鄭誤聞星已質實石星字拱辰東明人死遽觸柱死聞者哀之

二月命廷臣舉邊才

戶部尚書馬森等給事中王治御史王友賢等各奏薦邊才現任大理寺卿鄒應龍等四十五人聽用僉都御史王輪等十八人凡六十三人吏部上其議因言五方之氣雖篤于因材百中之能難拘於器使如往者輔臣揚一清以南人用之陝西尚書王驥以北人用之雲南俱有聲績宜勿論南北資格斟酌推用務俾各當其才帝然之

帝耕耤田

以禮部言增上中下三等農夫各
十人于耆老之後如弘治中例

三月立子翊鈞為皇太子

帝之第三子即神宗也時
方六歲是日詔赦天下

京師地震

永平府樂亭縣遼東寧遠衛遵化順義等縣及山東
登州府同日地震寧遠城崩禮部尚書高儀等請令
百官
修省

夏五月以都督同知戚繼光鎮薊州

繼光與俞大猷均稱名將而繼光屢推大冠平浙閩
倭又平江西賊名更出大猷上給事中吳時來以薊
門多警請召大猷繼光專訓邊卒部議獨用繼光乃
命以都督同知總理薊州昌平保定三鎮練兵事總
兵官以下悉受節制尋以薊州既有總兵官又設總
理事權不一乃召還總兵官郭琥而以繼光為總兵
官鎮守薊州永平山海諸處自嘉靖以來邊牆雖修
墩臺未建繼光巡行塞上議建敵臺畧言薊鎮邊垣
延袤二千里一瑕則百堅皆瑕比來歲修歲圮徒費
無益請跨牆為臺睥睨四達臺高五丈虛中為三層
臺宿百人鎧伏糗糧具備令戍卒畫地受工先建千
二百座然邊卒木彊律以軍法將不堪請募浙人為
一軍用倡勇敢督撫上其議許之浙兵三千至陳郊
外天大雨自朝至日旻植立不動邊軍大駭自是始
知軍令至五年秋臺功成精堅雄壯二千里聲勢聯
接繼光乃議立車營每車一輛用四人推輓戰則結

良筦筦二尺長
一大五六尺而
及在其頂又長
一尺一人持之
不久且疲二人
持之具旋轉杆
拾必不適用而
當時以為禦敵
精罷真不值一
噓且北方之強
勝南方之強人
所易知者浙兵
即素嫻步伐安
能遜勝北軍蓋

秋七月徐階罷

方陣而馬步軍處其中又製拒馬器排列寇騎衝窺
寇至火器先發稍近則步軍持拒馬器以過而前間
以長鎗筦筦寇奔則騎軍逐北又置輜重營隨其後
而以南兵為選鋒入衛兵主策應本鎮兵專戍守節
制精明器械犀利質實良筦兵器名一作狼筦筦
門軍容遂為諸邊冠蘇典切筦帚也戚繼光武
藝篇狼筦用大毛竹上截連旁附枝節材粗二
尺長一丈六尺利及在頂長一尺用為行伍籬籬

帝即位以來階所持諄多宮禁事伸者十八九中官
多側目會階乞休而給事中張齊以私怨劾階階因
請歸帝意亦漸移許之賜馳驛舉朝疏留報聞至萬
厯初階年八十卒時帝欲命中官分督團營階力
陳不可而止羣小璫毆御史于午門左都御史王度
將糾之階曰不得主名効何益且慮彼先誣我乃使

繼光勦寇東南
本多舊部其奏
請募調不過魚
頗思用趙人之
意耳而記載家
左袒南人遂若
南人之果勝北
人者以是類言
兵有不取敗之
理乎

人以好語誘大璫先錄其主
名庭疏上乃分別建治有差
質實張齊以私怨劾階
犒軍宣大納鹽商金因疏請恤邊商草餘鹽為階所
格至是因上疏攻階已而左都御史王庭遂發張齊
受賂事下齊鎮撫司獄
王庭字子正南充人

冬十月振淮徐饑

江南北皆亢旱淮徐間洪水泛溢以都御史龐尚鵬
言募粥以食飢民又留起解之金以備緩急又以災
免鳳陽淮安揚州徐州滁州秋糧
子粒有差仍准存留商稅備振

遼王憲燁有罪廢為庶人國除

憲燁在嘉靖時以奉道被寵賜真人號至是巡按御
史邵光劾其淫虐僭擬諸罪狀遣侍郎洪朝選等往

勛得實削爵為庶人禁錮高牆國除初張居正家荊州與憲卿有隙及朝選往勛諷令坐以謀反朝選不從居正怒屬巡撫勞實實明洪武中遼簡王植始封堪羅織朝選死獄中實實於遼東永樂中改封荊州簡王子貴煥嗣六傳至憲卿莊王致格子也郅光山西長治人洪朝選字舜臣同安人勞堪江西德化人十一月宣府總兵官馬芳襲諳達于長水海子又敗之

鞍子山

先是或為錫林阿謀以五萬騎犯蔚州誘芳出而以五萬騎襲宣府城可得志芳豫伐木環城寇至不可上遂解去頃之率叅將劉譚等出獨石塞外二百里襲其帳于長水海子還至塞追者及鞍子山芳迎戰又大敗之芳有膽智諳敵情所至先士卒一歲數出師搗巢或躬督戰或遣裨將家畜健兒得其死力嘗

命三十人出塞四百里多所斬獲寇大震芳乃帥質
師至大松林頓舊興和衛登高四望耀兵而還
實長水海子一曰白海子在開平衛西南即察
罕諾爾鞍子山亦曰馬鞍山在獨石

十二月限勲戚莊田

戶部議裁勲戚冒濫莊田勲臣傳派五世者限田百
頃至七十頃宗支已絕及失爵者奪之奸民
微租入官巡按直隸御史劉世曾查奏田頃數目復
下部會同屯田御史議定應減應留規則以聞詔如
擬

己巳三年夏四月以海瑞為僉都御史巡撫應天諸府

瑞威望素著屬吏聞其至墨者多自免去有勢家朱
丹其門恐瑞見即黜之中人監織造者為減與從瑞

銳意興草請濬吳淞白茆通流入海民賴其利素疾
大户兼并力推豪疆撫窮弱貧民田入於富室者率
奪還之下令飭發凌厲所司惴惴奉行富家巨室或
竄他郡以避瑞撫吳甫半歲再為言路所論遂改督
南京糧儲民聞瑞當去質實嘗熟白茆港吳中諸水
號泣載道家繪像祀之由此入江歸海嘉靖間
日益淤塞
故瑞濬之

秋七月振沿河州縣災

河決沛縣自考城虞城曹單豐沛抵徐州俱罹其害
漂沒田廬不可勝數漕舟二千餘皆阻邳州不得進
總理河道都御史翁大立以聞戶部議請以淮揚商
稅及撫按贖賑備振倉糧振恤貧民仍敕河道諸臣
疏濬支渠從之又發大倉銀三萬兩選差司官往災
重處亟行振濟其餘被災地方仍查災傷分數酌量

蠲免○時大力又請漕艘後至者貯粟徐州倉平價
出糴詔許以三萬石費民大力以民困之狀帝未能
周知乃繪圖十二以獻是時黃河既決淮水復漲湖
堤往往崩壞人民多溺死大力奔走經營至四年六
月堤濬河淮諸質實單縣古單父邑漢為單父縣明
工乃次第告成改單縣屬兗州府今因之翁大
力餘
姚人

八月廣東海賊曾一本伏誅

一本初與大盜黃平聚衆數萬剽劫惠潮間與倭相
倚角已而總兵官俞大猷以次殲倭略盡平為副將
湯克寬所敗遠竄去一本降而復叛突犯雷州執叅
將繆印又犯廣州殺知縣劉師顏尋復陷碣石衛裨
將周雲翔叅將耿宗先叛附于賊勢益熾時大猷已
改鎮廣西詔止勿赴令與廣東福建總兵官李錫郭

成同討一本錫出海與犬猷遇擊賊三戰皆捷會成亦敗賊執周雲翔率叅將王詔等以師來會分三哨進一本駕大舟力戰諸將連破之燬其舟詔生擒一本及其妻斬首七百餘死水火者萬計時閩廣隨在皆盜而一本最質實碣石衛在惠州府海豐縣東南疆既平患漸息明洪武中置今裁湯克寬邛州衛人李錫欽人郭成四川叙南衛人

以禮部尚書趙貞吉兼文淵閣大學士預機務

貞吉在嘉靖時由謫籍屢擢戶部侍郎罷歸帝即位復起禮部帝幸太學會祭酒胡杰論罷貞吉以禮部侍郎攝事講大禹謨稱旨命充日講官貞吉年逾六十而議論侃直進止有儀帝深注意及是遂以尚書叅機務貞吉入謝奏言朝綱邊務一切廢弛臣欲捐軀任事惟陛下主之帝益大喜

振南畿浙江山東災

南畿浙江山東皆被水災戶科給事中劉繼文請發帑遣官分振并發臨德二倉粟米振濟禮科給事中黃才敏亦請發德州倉見積米質實劉繼文靈璧人二萬石以振饑民戶部議從之黃才敏晉江人

九月大閱

帝戎服登壇分別將領及侯伯錦衣衛官中射等第賞罰有差百官稱賀

冬十一月京師地震

地震有聲詔百官修省三日時山西亦震

十二月命廠衛刺部院事

帝以災異頻仍由部院政事不平所致令廠衛密訪以聞于是尚書毛愷侍郎萬士和等皆自劾求去帝慰留給事中舒化等上言祖宗諒廠衛令捕盜詰奸非以察百官也制馭百官乃天子之權而奏挾諸司責在臺諫今陛下委之廠衛廠衛必托之番挾此輩貪殘恐開羅織之門不可不慎帝不從已而事竟寢

質實

毛愷字達和江山人萬士和字思節宜興人舒化字汝德臨川人

發明

嘉靖時弊政極多而於宦官獨無所假借數十年中稍為斂戢何以穆宗繼體復欲用廠

衛刺事耶部院政事不平詎無考按整飭之道乃以稽察之權寄之一二內豎豈部院不足信而廠衛轉足信乎廠衛之所恃者番校耳此輩皆無賴之徒稍假之權寄委以事權則必倚勢作威甚且譎張為幻廠衛一經偏聽則將曲為左袒撫拾遷就以証其捕風促影之為英憲覆轍非遙顧復蹈

之哉

召高拱復入閣兼掌吏部

拱性彊直自遂頗快恩怨及再入閣盡反徐階所為凡先朝得罪諸臣以遺詔錄用贈恤者一切報罷且言明倫大典頒示已久今褒顯議禮諸臣將使獻皇在廟之靈何以為享先帝在天之靈何以為心而陛下歲時入廟何以對越二聖帝深然之法司坐方士王金等子弑父律拱復言人君不得正終名至不美今謂先帝為王金所害誣以不得正終天下後世視先帝為何如主乞下法司改議帝復然其言命減成拱之再出專與階修隙所論皆欲以中階重其罪賴帝仁柔弗之竟也階子弟頗橫鄉里拱以前知府蔡國熙為監司錄其諸子皆編戍盡奪其田所以扼階者無不至逮拱去位乃得解拱練習政體負經濟才

其在吏部欲遍識人才授諸司以籍使署賢否誌爵里姓氏月要而歲會之倉卒舉用皆得其人又以時方憂邊事請增置兵部侍郎以儲總督之選由侍郎而總督由總督而本兵中外更番以裕邊材又以兵者專門之學當自兵部司屬始宜慎選司屬多得智謀才力曉暢軍旅者久而任之勿遷他曹又奏請科貢與進士並用不循資格拱所經畫多類此

杖尚寶司丞鄭履淳下獄

履淳尚言頃年以來萬民失業四方多故天鳴地震災害洊臻正陛下宵旰憂勤時也今最急莫如用賢陛下御極三年矣曾召問一大臣面質一講官賞納一諫士以共畫思患豫防之策乎高亢睽孤乾坤否隔忠言重折檻之罰儒臣虛納牖之功官闡違脫珥之規朝陞拂同舟之義回奏蒙譴補牘奚從內批徑

出封還何自紀綱因循風俗玩愒功罪罔按文案徒
繫閹寺潛為厲階善士漸以短氣言涉官府肆撓多
端梗在私門堅持不破萬衆惶惶皆謂羣小侮常明
良疎隔自開闢以來未有若是而永安者伏願奮英
斷以決大計勿為小故之所清宏濬哲以任君子勿
為嬖昵之所惑移美色奇珍之玩而保瘡痍分昭陽
細務之勤而和庶政拔用陸樹聲石星之流嘉納殷
士儋翁大立諸疏經史講筵日親無倦臣民章奏與
所司面相可否萬幾之裁理漸熟人才之邪正自知
察變謹微回天開泰計無踰此疏入帝大怒杖之百
繫刑部獄數月刑科給事中舒化等以為言乃釋為
民履淳父曉通經術明習典故為都御史禦倭有功
遷刑部尚書與嚴嵩不合罷歸卒嵩敗履淳訟于朝
帝即位曉贈賜謚至神宗初履淳復起光祿少卿
尋質實 鄭履淳字叔初海鹽人陸樹聲字興吉
卒 松江華亭人殷士儋字正甫歷城人

四年春正月己巳朔日有食之

以正旦日食罷元會帝避殿減膳是月月復食給事中陳吾德疏言歲首日月並食天之大災陛下宜屏斥一切玩好應質實陳吾德字懋天以實報聞修歸善人

罷京營總督分設三大將領之

趙貞吉言舊制內外衛兵分隸五府永樂末年因聚府兵北伐旋師之後遂結營團操乃以三千神機二營附之因號為三大營其實皆五府之兵也夫五府之兵因調發而聚之為營既歸即當散還各府矣所以久聚團操而不散者以當時常有戒嚴征伐之事故不暇耳然猶以五軍名營實未變五府之舊制也沿至正統末年變為十團營矣弘治間又加為十二團營矣正德間又增置東西官廳矣然舊營之中尚

存老甲軍之籍則五營之號未泯而五府之意猶存也至靖靖戾成嚴嵩建議于五府之外特設戎政府括內外兵籍鑄總督戎政之印而授之仇鸞于是祖制大壞而賊臣得肆覬覦之計向使鸞遲于伏誅則時事之危未可測也驚誅而以鎮遠侯顧寰代之寰惟知退讓自守以保勲名而營制則日弱矣臣竊謂分府設將之制未易卒復而分營統兵之法猶可遵行蓋將才難得以一人統十萬之衆非韓白不能以十萬衆分委之數人則稱職易耳請將見操官軍分為左右中前後五營各擇一將以分統之責令訓練而以文臣巡覈之加賞罰焉收戎政府印歸之內府有事則領勅掛印而命將于閭外事完則繳勅納印而歸將于營中如是則太阿之柄獨持于上而輦轂之下常有數萬精兵可戰可守隨所用而無不宜矣疏入詔下廷臣議尚書霍翼與貞吉不協不然其言廷臣亦多言彊兵在擇將不在變法冀等乃上議三

大營宜如故惟以一人為總督權太重宜三營各設一大將而罷總督以文臣為總理報可于是三大營各設總兵一副將二具叅佐等官互有增損各均為十人而五軍營兵均配二營以侯伯充總兵官尋改提督又用三文臣亦稱提督自設文武六提督後各持意見遇事旬月不決給事中溫純言其弊乃罷仍設總理協理二臣

質實

溫純字景文三原文

貞吉不能爭

夏四月京師地震

秋七月禁章奏浮詞

高拱言比來章奏鋪綴連牘言多意晦端緒難尋反可竄匿事情支詞假飾是非人臣奏對之體請嚴加禁約

從之

發明

臣下入告之體貴乎覈切情事而不以繁稱博引為工明代奏牘往往陳義引古反覆不窮而其實于事情所繫者不過數言而已拱奏請禁止浮詞是矣然其後終明之世奏章仍多撫拾陳言者蓋明人章疏多挾名求勝之心至于自炫鬻而牽引不休竟有累牘連篇皆不切之陳言者政體士風之壞由來非一日矣

陳以勤罷

初以勤入閣徐階為首輔而高拱方嚮用朝士各有所附交相攻以勤中正無所比及拱再入與趙貞吉相軋張居正復中搆之以勤與拱舊隙貞吉其鄉人而居正則所舉士也度不能解引疾乞休去以勤歸六年卒贈太保謚文端

八月宣大告警敕邊備

時李春芳雖為首輔而政皆自高拱出邊警猝至拱請命侍郎曹邦輔王遴督師列陳以待以都御史栗永祿守昌平護陵寢起劉燾于天津守通州儲命總督王崇古譚綸主進剿機宜戴才理糧餉邊境得無事

質實 曹邦輔于帝即位初起謫籍屢進兵部侍郎王遴字繼津霸州人

罷戶部尚書劉體乾

時內供寢多數下戶部取太倉銀又趣市珍珠黃綠玉諸物先是御史詹仰庇諫市珠寶言寶石珠璣多藏中貴家何必求之於外已而仰庇巡視十庫疏請嚴覈內官監出納歲數并節省一切無益浮費疏中有再照人主旬內官摘出激帝怒以為大不敬杖之百斤為民并罷科道之巡視庫藏者給事中陳吾德

李己復上疏言比買玉市珠傳帖數下人情惶惑內
官崔敏等獻諂營私罪不可宥乞即斥譴以清左右
帝震怒杖己百錮刑部獄斥吾德為民已久之
始得釋至是體乾復屢疏爭之積忤帝意遂罷
劉體乾字子元東安人詹仰庇字汝欽安溪人
陳吾德字懋修歸善人李己字子復磁州人

九月振陝西災

以陝西大水命州縣發倉廩振濟并蠲
稅有差免臨鞏二府各州縣正官朝覲

河決邳州

初新河既成南北諸支河悉併流秦溝河勢益大漲
三年七月決沛縣漕艘不得進至是復決邳州自睢
寧白浪淺至宿遷小河口淤百八十里漕道復阻河
道侍郎翁大立言邇來河患不在豐沛而在徐邳臣

以為權宜之計在棄故道而就新衝經久之策在開
加河以避洪水帝命大立躬自相度條利害以聞已
而大立以誤漕削籍復以朱衡經理河道遂罷加河
議專事徐邳築長隄自徐州至宿遷小河口三百七
十里并繕豐沛大黃隄質實白浪澆在睢寧縣北黃
正河安流運道乃通河南岸小河口在宿遷
縣東南睢水至此合于黃河謂之貽口亦曰睢清口
加河有東西二加東加出沂州府西北箕山西加出
嶧縣東北抱犢山東南流至三合
村與東加合又南入泗謂之加口

以李成梁為遼東總兵官

錫林阿入遼總兵王治道戰死擢成梁署都督僉
事代之時暗達諸部屢窺塞下十年之間大將死者
數人成梁乃大修戎備甄拔將校收召質實李成梁
健兒給以厚餼用為選鋒軍聲始振字汝契

世鐵嶺衛
指揮僉事

冬十月詣達孫巴噶柰濟內附詔授指揮使尋遣歸

巴噶柰濟者詣達第三子替克貝台吉子也幼孤育
于詣達妻伊克哈屯所既長娶必濟不相得復自聘
鄂爾多斯女號三娘子即詣達外孫女也詣達見其
美奪之巴噶柰濟患率屬十餘人來歸大同巡撫方
逢時告總督王崇古曰機不可失也率五百騎往受
之崇古上言巴噶柰濟來歸非擁衆內附者比宜給
官爵豐館餼飾與馬以示詣達詣達急則令縛送板
升諸叛人不聽即脅誅巴噶柰濟牽沮之又不然因
而撫納如漢置屬國居烏桓故事使招其故部徙近
塞詣達老且死鴻台吉立則令巴噶柰濟還以衆與
台吉抗我按兵助之此安邊之良策也奏至朝議紛
然高拱張居正力主崇古議詔授巴噶柰濟指揮使

諸達方西掠土番聞之急引還約諸部入寇崇古撒
諸道嚴兵禦之敵不得利伊克哈屯思其孫日夜哭
諸達患之使來請命逢時遣譯者鮑崇德往令縛送
板升諸叛人以易巴噶奈濟崇德入其營諸達盛氣
待之崇德曰朝廷待而孫甚厚今稱兵是速之死也
諸達疑巴噶奈濟已死聞言心動使使詞之崇古令
巴噶奈濟緋袍金帶見使者諸達喜過望崇德因說
之曰趙全等旦至巴噶奈濟夕歸諸達因屏人語曰
我不為亂亂由全等天子若封我為王長北方諸部
孰敢為患即死吾孫當襲封彼衣食中國忍背德乎
遂遣使致書逢時而全方慙恩用兵諸達又惑之全
嘗投書逢時欲歸中國逢以示諸達時始有執全意
錫林阿奄至大同逢時以巴噶奈濟箭示之錫林阿
執箭泣曰此吾弟替克貝台吉故物也我來求巴噶
奈濟巴噶奈濟既受官當更計之會諸達召錫林阿
還錫林阿引去諸達遂遣使與崇德來乞封請互市

高拱趙貞吉同
任閣臣正宜和
衆集事況考察
為黜陟大典尤
當虛公稽校求
協與評乃謀逐
私人互相排軋
祇以朋黨為心

十一月趙貞吉罷

隨執趙全等九人來獻詔磔于市
崇古亦以帝命遣巴噶素濟歸
崇古于是年正月改督山西宣大已噶素濟舊作把
漢那吉替克貝台吉舊作鐵背台吉伊克哈屯舊作
一克哈屯必濟舊作比吉鄂爾多斯舊作
渾兒都司鴻台吉舊作黃台吉今並改

高拱掌吏部貞吉亦掌都察院拱以私憾考察科道
欲去貞吉所厚者貞吉亦持拱所厚以解于是斥者
二十七人而拱所惡者咸與拱猶以為憾喉門生給
事中韓揖劾貞吉庸橫貞吉疏辯言臣掌風憲目睹
拱壞亂選法噤口不能一言有負任使真庸臣也若
拱者斯可謂橫也已臣放歸之後幸仍還拱內閣毋
令久專吏部權廣樹衆黨疏入帝竟允貞吉去而拱
掌吏部如故貞吉好剛使氣動與物忤人多怨之歸

十餘年卒贈少保謚文肅

以禮部尚書殷士儋兼文淵閣大學士預機務

士儋本裕邸舊僚高拱惡其不親己不為援士儋遂藉太監陳洪力取中旨入閣

辛未五年春二月命廷臣及朝覲官謁皇太子于文華左

門

李春芳言先朝故事東官未出閣時閣臣以朔望次日行謁見禮即今春和乞舉行如例以慰天下臣民之心帝許之命二月二日謁見

封皇子翊鏐為潞王

不復顧國家政體宜大臣所宜出此且使拱快心貶斥貞吉果公正無瑕何不早為糾訐顧始而相持求解比拱喉人劾奏方以其壞亂運法為言力圖報復拱固專橫貞吉亦豈能免于營私巧宦哉

帝第四子也
後之藩衛輝

三月封諳達為順義王

已噶奈濟既歸諳達及其妻撫之泣遣使報謝誓不
犯大同王崇古上言朝廷許諳達封貢諸邊有數年
之安可乘時修脩設敵背盟吾以數年蓄養之力從
事戰守愈於終歲奔命自救不暇者矣復條封貢八
事以請詔下廷臣議議各不同會帝御經筵閣臣面
請外示羈縻內修守脩乃封諳達順義王名所居城
曰歸化昆都楞錫林阿等皆授都督同知等官有差
封已噶奈濟昭勇將軍指揮如故已而奪部濟農亦
如約請命詔授官如昆都楞由是西塞諸部歲來貢
市自宣大至甘肅邊郵宴然不用兵草者二十餘載
質實昆都楞即婁巴噶一議錫封號一定貢額一議貢期一議立互市

一議撫賞之費一議懸招賞之例一審經權一戒狡飾經權者謂各鎮練兵設險積餉之務仍宜預圖狡飾者謂防敵人陰懷異志也疏入兵部議以崇古八議刊示廷臣會議已而兵部集府部科道諸臣廷議之或以為封貢便互市不便或謂俟一二年不犯邊徐議封爵或謂互市宜請令今歲暫一開市以觀事機帝因令兵部更議於是兵部議言請如崇古議授諳達王號餘各授職銜今歲貢期已過二月聽於三四月後一行從之昆都楞舊作昆都力婁已噶舊作老巴都今並改

夏五月李春芳罷

初春芳代徐階為首輔務以安靜稱帝意同列陳以勤故端謹張居正恃才凌物視春芳蔑如也方階罷春芳歎曰徐公尚爾我安能久容旦夕乞身耳居正遽曰如此庶保令名春芳鄂然三疏乞休不允既而

趙貞吉入代以勤剛而負氣及高拱再入直凌春芳
出其上春芳不能與爭自飭而已會拱逐貞吉勢益
張修階故怨春芳常從容為階解拱益
不悅言官希拱意疏訖春芳乃罷歸

六月京師地震

辛卯朔地震者三
詔百官修省三日

發明

天道變於上人事應於下古者君臣側修以
禳天災此理之可信者若祥喪枯熒惑退史

傳之所載亦不過欲後之人遇災而懼設誠而致
行之耳夫禳祲之故既昭著於上天下地乃欲責
報于剋期揆之于理已為難信將欲虛詞文飾則
天豈可欺將謂有感必通何其效之神速若此且
百官果以三日修省而效則三日之外其戲渝憚
怠所以召災而致異者更不知當何如矣亦何異

一寒而

十寒耶

冬十月河南山東水

以河南山東大水命工部飭管
河官經理上流河防以脩衝決

十一月殷士儋罷

御史趙應龍劾士儋進由內侍不
堪大任給事中韓揖復陽言脅之
質實趙應龍
涇陽人

壬申六年春閏三月帝有疾

帝御皇極門
疾作遽還宮

夏四月以禮部尚書高儀兼文淵閣大學士預機務

初儀掌禮部秉禮循法居職甚稱為言路所劾遂引疾歸已用高拱薦以故官侍東宮講讀掌詹事府及是遂入閣

五月帝崩

帝疾稍平將視朝登陞忽眩幾仆亟召高拱張居正至帝執拱手欵語備至居正在旁帝弗顧也帝令拱扶掖還宮尋命宿乾清門拱與居正同止焉未幾帝大漸召拱居正及高儀同受顧命遂崩

六月乙卯朔日有食之

太子翊鈞即位

是為神宗以明年為萬厯元年詔赦天下

詔祀建文朝盡節諸臣于鄉有苗裔者卹錄

詔褒建文朝忠臣建表忠祠于南京以徐輝祖為首方孝儒次之

罷中極殿大學士高拱

始拱與張居正友善既而內離猜防日甚太監馮保次當掌司禮監拱薦陳洪及孟冲保以是怨拱而居正與保深相結穆宗疾再作居正處分十餘事使小吏投保拱知而跡之吏已入拱恚甚面詰居正曰密封謂何天下事不以屬我曹而屬之內豎何也居正面發赤乾笑而已穆宗崩保矯遺詔與閣臣同受顧命及帝登極保升立御座旁不下舉朝大駭保遂掌司禮監又督東廠總兼內外勢益張拱以主上幼冲懲中官專政疏請詎司禮權又屬言官合疏攻保而已從中擬旨逐之使人報居正居正陽諾之而私以

語保保訴于太后謂拱擅權不可容太后領之明日
召廷臣入宣兩宮及帝詔拱意必逐保也急趨入比
宣詔則數拱罪而逐之拱伏地不能起居正振之出
拱急僦驪車出宣武門居正乃與高儀請留拱弗許
請得乘傳許之拱既質實馮保深
去居正遂為首輔州人

發明

高拱之負氣凌人固有取斥之道即其他事
亦多猜忌若此之裁抑馮保面詰居正則不

可謂出于不正乃居正始則與保相結至為密封
處事及拱欲逐保以告居正猶為直道而居正即
以語保轉與相謀逐拱此其立心之曖昧用術之
巧詐致拱墮其計中而不覺而且為之請留為之
請乘傳欲以委過于保以掩飾一時之耳目此豈
端人正士所為者而不知其陰謀委折肺肝早已
如見也居正當國其幹濟非無可稱然其得為首
輔實由於結保而逐拱及其禍發身後亦固保事

牽連得固于斯失亦
于斯能不憬然悟耶

高儀卒

儀性簡靜寡嗜好入閣兩
月卒貧無以殮謚文端

以禮部尚書呂調陽兼文淵閣大學士預機務

高儀既卒張居正以調陽弱薦代之居正
專決調陽不敢有所持諍然內不甚附之
質實呂調陽字

和卿廣西
臨桂人

秋七月尊皇后為仁聖皇太后貴妃李氏為慈聖皇太

后

舊制天子立尊皇后為皇太后若有生母稱太后者則加徽號以別之是時馮保欲媚帝生母李貴妃風張居正以並尊居正不能違也慈聖移居乾清宮撫視帝內任保而大柄悉以委居正焉質實李氏

鄒縣人

帝生母

帝御文華殿講讀

張居正請定三六九日視朝餘日御文華殿講讀

九月葬穆宗莊皇帝于昭陵

謚曰契天隆道淵懿寬仁顯昭陵在昌平州
文光武統德弘孝肅皇帝質實大峪山東北

明史贊曰穆宗在位六載端拱寡營躬行儉約尚食歲省巨萬許俺答封貢減賦息民邊陲寧謐繼

體守文可稱令主矣第柄臣相軋門戶漸開而帝未能振肅乾綱矯除積習蓋亦寬恕有餘而剛明者與

冬十月慧星見東北方

至二年四

月乃減

十二月振榆林延綏饑

御定資治通鑑綱目三編卷二十五

欽定四庫全書蒼要卷七千四百三十八 史部

御定資治通鑑綱目三編卷二十六

起癸酉明神宗萬歷元年 凡九年
盡辛巳明神宗萬歷九年

癸酉神宗顯皇帝元年春正月男子王大臣入乾清宮尋

伏誅

大臣浙中庸奴以浮蕩入都偽為內侍服與宮中小
豎交暱竊其牌帽巾服入乾清宮為守者所執詔下
東廠究問馮保欲緣此以陷高拱令家人辛儒飲食
之納刃其袖中俾言拱怨望與太監陳洪謀大逆遂
發緹騎馳械高氏奴圍拱里第張居正亦請詰主使
舉朝洶洶謂且建拱吏部尚書楊博左都御史葛守

禮詣居正力解居正憤曰二公意我甘心高公耶奮
入內取殿中揭帖投博曰是何與我揭帖有居正竄
改四字曰歷歷有據守禮識居正手跡笑納諸袖居
正覺曰彼法理不諳我為易數耳守禮曰曰天非相
公不能居正奏緩其獄博陰囑錦衣伏大臣吐實又
以拱僕雜稠人中令大臣識別茫然莫辨也會帝命
守禮偕錦衣都督朱希孝會鞠大臣疾呼曰許我富
貴乃榜掠我耶且我何處識高閣老馮家僕教我希
孝不敢鞠而罷保懼以生漆酒瘡大臣移付法司坐
斬獲拱免由是舉朝皆惡保而不肖者多因之以進
矣○時上疏言深遠之慮當謹于微九重邃深而王
大臣歷門抵宮寂無簡察此豈細故其內宦及守衛
員投應從質實葛守禮字與立德平人朱
寃治報可希孝成國公朱能五世孫

二月御經筵

從張居正等請也一日講畢帝問建文果出亡否居
正曰國史不載但故老相傳披緇雲遊題詩于田州
有流落江湖四十秋句帝太息命錄詩進居正曰此
亡國之事不足觀也請錄皇陵碑及高祖御製集以
上見創業之艱聖謨之盛

發明

建文出亡之事本屬疑信相參金川門之變
闔宮自焚明實錄謂中使出其屍于大越七

日備禮塋之而永樂時遣使四出以訪張三丰為
名踪跡建文則是成祖亦疑其或有出亡之事也
至正統五年僧楊行祥詭稱建文按問致罪而野
史紛紜猶有老佛取入西內之說蓋由成祖篡取
大位致令建文失國亡身而又革除年號慘錄忠
良人心不能無憾而宮中火起又不能實詣其所
終于是世俗相傳遂謂披緇雲遊題詩所在是特
不忍建文之亡國而不知其說之無据也惟是革除

之事在成祖本屬逆施後嗣自應更定神宗聞
流落江湖之句即為太息命錄詩以進慨焉有動
于中居正或即可因此為之表白幽潛續封加謚
禮亦宜之且與卹錄建文時死節諸臣之舉正相
承接乃僅以泛常規勉之詞申保治思艱之大旨
而姑置建文逸事于不答雖有王祖嫡等請復年
號之虛文而一盂麥飯莫由下等齊民致
使終明之世廟謚闕焉豈不大可惜哉

三月詔舉將才

張居正進講帝鑑圖說至漢文帝勞軍細柳事因奏
曰古人言天下雖安忘戰必危今承平日久武備廢
弛文吏箝制升員不啻奴隸夫平日既不能養其鋒
銳之氣臨敵何以責其折衝之勇嗣後將帥忠勇可
仕者宜假以事權俾得展布庶幾臨敵銳令
嚴整士卒用命于是乃詔內外官各舉將才
質實

帝鑑

圖說自堯舜以來有天下之君擇其善可為法者八十一事惡可為戒者三十六事每事各繪一圖後錄傳記本文附直解于後取唐太宗以古為鑑之義名曰帝鑑圖說隆慶六年十二月張居正呂調陽所撰也進

夏四月旱

諭有官修省釋重囚

六月振淮安災

淮安大水發米六萬石振之

秋九月振荊州承天及濟南災

以湖廣荊州承天二府水災異常
山東濟南府旱荒各行蠲折振濟

以方逢時總督宣大軍務

始逢時與王崇古共決貢市之議及崇古入理京營
張居正薦逢時代之遂起逢時故官以兵部右侍郎
總督宣大山西等處軍務
至則申明約信邊境以安

四川都掌蠻平

成化初都掌蠻亂尚書程信裒城伯李瑾討平之隆
慶末復亂具苗阿大阿二方三等據九絲山僭稱王
剽遠近其山修廣而四隅峭仄東北則雞冠嶺都都
寨凌霄峰鼎峙相連峻壁皆數千仞有阿苟者居峻
霄城為賊耳目威儀出入如王者時總兵官劉顯披
劾巡撫曾省吾奏留之屬以軍事又起故將郭成安

大朝為之佐調諸土兵合官軍凡十四萬人往討官軍集叙州誘執阿苟攻拔凌霄進逼都都寨三箇遣其黨阿墨固守官軍頃匝月鑿灘以通漕餉擊斬阿墨拔其寨阿大自守雞冠砦顯令人誘以官而分兵為五哨盡壁九絲城下乘無備夜半腰絙上斬關入遲明諸將軍至阿二方三走保壯豬寨郭成破鷄冠殺阿大諸軍攻壯豬禽方三阿二走追獲于貴州凡克寨六十餘獲賊魁三十六俘斬四千六百級拓地四百餘里錄攻進顯都督同知已而勦餘孽復俘斬十五百有奇顯復擊西川番斬其首惡撫餘衆而還西陲質實九絲山在欽州府興文縣東南山箐峻深以寧周圖三十餘里上有九崗四水極廣可以播種下惟一徑鳥道可通自宋元以來常為都掌蠻依阻之地至是據為巢穴賊既平遂改九縣城為平蠻城置官兵戍守其相近有鷄冠砦又有石頭大寨壯豬大都都寨都處都寨地袤廣為九絲右臂凌

霄峰最高險有城為九絲門戶賊平改凌霄曰拱極
鷄冠曰金鷄曾省吾鍾祥人郭成四川叙南衛人先
以被劾罷歸至是起用充為事官

冬十一月立章奏考成法

初諸司章奏部院覆行撫按勘者常稽不報至是張
居正言近年來章奏繁多各衙門題覆無虛日然敷
奏雖勤而實效蓋寡請申成憲先酌量道里遠近事
情緩急定程限立文簿月終註銷撫按稽遲者部舉
之部院容隱欺蔽者六科舉之六科容隱欺蔽者閤
臣舉之月有考歲有稽則名必中實事可責成從之
自是政體為肅

十二月振遼東災

以遼東廣寧錦州義州海州諸處旱
米價騰貴發太倉銀三萬兩振濟軍士

朵顏察克圖犯塞總兵官戚繼光擊擒之

自諳達款塞西鄙烽火寂然獨土默特徙居察罕地
控弦十餘萬常為薊門憂泰寧朵顏諸部皆與交通
時叛時服是年春朵顏部長董呼哩及兄子長安入
犯喜峯口繼光擊敗之董呼哩乃款關請貢至是董
呼哩之弟察克圖復入寇繼光擒之于是董呼哩長
安率部長親族三百人叩關請死董呼哩服素衣叩
乞救察克圖繼光遣將受降皆羅拜獻還所掠邊人
攢刀設誓乃釋察克圖許通貢如故繼光在鎮十六
年邊備修飭薊門守甚固敵無由入

質實

察罕今察
哈爾明時

曰察罕在遼東口外 本朝移其部衆于宣大近地
分為八旗設佐領等官管轄○察克圖舊作長禿奈

欽定四庫全書

卷二十六

單舊作挿漢董呼哩舊作董
狐狸長安舊作長昂今並改

甲戌二年春正月召見朝覲廉能官于皇極門

明自中葉已後
堂廉際開百度
日廉張居正奏
見請保皇極一
見史冊修為庶
事顧且舉之也
特簡考察之虞
文一獎賞遂已
果事上無時皆
之意下鮮敷奏
之言則所謂廉
能謀最者率出

張居正言太祖時每遇外官來京奏事常召見賜食
訪民間疾苦雖佐貳雜職有廉能愛民者亦特差行
人齎勅獎諭或封內醪金幣以資之迨宣順成弘間
亦間舉宴賞之典茲當考察之初宜敕禮部倣舊典
具儀注以上于是帝乃御皇御門引見朝覲廉能官
浙江左布政使謝鵬舉等二十員面如獎勵並賜銀
幣酒質實謝鵬舉
饌蒲圻人

二月報金川被寇請縣

巡撫曾省吾言高長筠珙諸縣被都掌蠻荼毒最深
請蠲免錢糧仍動支軍前支剩米豆四萬振濟從之

諸司竿牘於人
于述職之義庸
有當乎

質實

高縣本夜郎地唐置高州明改縣長寧漢犍為郡漢陽江陽二縣地隋置瀘川縣唐置長寧州

宋政和中為長寧軍明為縣筠連唐置筠連州明為縣珙縣唐置鞏州明玉珍時改為珙州明為縣四縣明並屬叙州府今皆因之

福建地震

長汀縣地震至三更地裂成坑陷沒民屋四十餘間縣宋治平中始遷于今縣治明汀州府治今因之

質實

長汀晉新羅縣唐開元中析置長汀

夏四月詔內外官行久任法

吏科給事中張楚城言請諸司行久任法知縣歷俸六年乃陞取知府知州歷俸六年乃陞遷間有才不欽定四庫全書

宜于官官不宜于地者聽撫按官量行更易其蒲泉
二司參政參議等官陞遷約以三年在京科道部曹
陞司寺約以六年下吏部議張居正
善而行之由是蒲泉守令皆得自展
質實
張楚城
江陵人

秋七月淫雨昭陵地陷

八月振山西災

山西應州朔州山陰馬邑大同等縣安東中屯
山陰陽和高山等衛各報災歎命蠲振有差
質實
大同遼置縣明大同府治今因之安東中屯衛在應
州東北山陰守禦千戶所在山陰縣東陽和衛在大
同府東北高山
衛在大同府西

淮揚徐河海並溢

兩淮運司所屬呂四等場大旱之後惡風暴雨江海
驟漲人畜淹沒廬舍傾圮廩鹽漂蕩流離饑饉徐州
揚州等處積雨海嘯質實呂四場在高郵州東百二
河溢各蠲賑有差十里俗傳以呂仙四至此
而名其通海處曰
新河亦曰新港

冬十月決囚

嘉靖季年崇奉元修又好祥瑞遇事輒停刑至是審
錄重囚至四百餘人張居正言縱釋有罪無以懲惡
請如祖宗舊制每歲一決因從之時承平久羣盜蠭
起至入城市劫府庫有司恒諱之居正嚴其禁匿弗
舉者雖循吏必黜得盜即斬決
有司莫敢飾情盜賊為衰止

乙亥三年春正月徙遼東六堡

遼陽鎮東二百餘里舊有六堡其地不毛與遼陽聲援不接李成梁請移建孤山堡于章齊哈喇甸險山堡于寬甸沿江新安等四堡于長甸長嶺諸處仍以孤山險山二參將戍之其地並據膏腴扼要害可拓境七八百里益收耕牧之利廷議從之質實孤山堡于是撫順以北清河以南皆遵約束在遼東都指揮使司之東南險山堡亦在司東南並嘉靖二十五年置沿江堡在險山堡之南新安堡亦在司之東南皆設險處長甸亦在司東南有堡長嶺在蓋平縣東南齊哈喇在遼陽東南亦曰新甸寬甸寬甸在在遼陽東南長甸長嶺又俱在寬甸南○章齊哈喇舊作張具哈喇今改

二月詔南京官不必備

諭吏部南京職務清簡官不必備先朝有一人兼掌六部者以後員缺不係緊要不必一一推補

發明

周書稱官不必備者蓋以三公論道非其人莫能屬非謂百司庶職皆可虛設名位而不

必備其官也明之南京諸職事固為簡約然既有部司之設即不可一日無官使果職無所掌官多冗濫廩祿致有虛糜則當量裁原額缺有其人俾足經理庶司斯可矣今概云不必一一推補則致設其官復虛其缺是將懸好爵以炫聽聞矣豈覈實官吏之道耶神宗初政已苟且如是宜其末年內外官吏或懸缺經時或人兼數政朝常闕畧務廢弛識者謂此語實有以啟之耳明目也

始命曰講官起居注

翰林院編修張位言前代皆有起居注而本朝獨無臣僚員纂修竊見先朝政事自非出于詔令形諸章疏悉湮沒無考鴻猷茂烈鬱而未章從使野史流傳以偽亂真今史官充位無以自勅宜日分數人入直

凡詔旨起居朝端政務皆據見聞書之為他年實錄之助于是大學士張居正議曰國初設起居注官日侍左右紀錄言動實古者左史記事右史記言之制迨後定官制乃設翰林院修撰編修檢討等官蓋以記載事重故設官加祥原非有所罷廢但自職名更定之後遂失朝夕記注之規以致累朝以來史文闕略邇者纂修實錄臣等祇事總裁凡所編緝不過總集諸司章奏稍加刪潤隙括成篇至于杖前柱下之語章疏所不及者即有見聞無憑增入與夫釋官野史之書海內所流傳者欲事采錄又恐失真是以嘉謨嘉猷實多所未備凡此皆由史臣之職廢而不講之所致也今宜申明史職以復舊制今日講官日輪一員專記注起居纂錄聖諭詔敕冊文等項及內閣題稿其朝廷政事見于諸司章奏者俱選年深學優之史官六員專管纂修事分六曹以吏戶禮兵刑工為次每人專纂一曹俱在館供職不得別有差遣凡

遇常朝御皇極門即輪記事官侍班居文武第一班
之後近上便于觀聽即古螭頭載筆之意因從之

質實

張位字明臣
新建人

夏四月己巳朔日有食之既

帝感日食之變于宮中製牙牌手書十二事錄其上
曰謹天戒任賢能親賢才遠嬖佞明賞罰謹出入順
起居節飲食收放心存敬畏納忠言節材用所至即
懸座右以自警張居正因奏此數言者雖因天變自
警其實修身治天下之道畢具于此終身行之可也
因逐句發明其義且曰知之非艱行之惟艱自今上
所行與所書有未合者許令
左右得執牌以諫帝嘉納之

發明

感日食之變製牙牌書十二事以自警神宗
是時年甫十三耳所書皆帝王修身為政當

當戒之事其于古人書屏銘座義豈有殊居
正因事納牖且許令左右執牌以諫未始非將順
之道及考其初年委任居正中晚以後庶務日以
隳廢堂廉日以睽隔黨援門戶之習囂然不靖明
代綱紀之弛未有過于神宗朝者則是與牌書條
件一一背馳樂若反其道而用之將前之手書懸
置座右者徒為粉飾務名之舉矣又安知銀牌一
事非居正當日條列以進俾博虛譽而美觀聽固
宜其不克終也歟

五月淮揚大水詔察有司貪酷老疾者

先是元年二年間徐州淮揚等處數被水災撫按官
俱以蠲振請戶部議令撫按官選委賢能官從公踏
勘分別輕重以憑酌處又言淮揚等處蠲振所費錢
糧總計應徵并發去者無慮五六十萬國家經制各

有正項非專一方雖緩急之勢當知而無已之求難
繼且救荒無奇策求其策之善者全賴有司先之以
儉靜不擾次之以就地設法故有富弼則青州不為
灾有蘇軾則杭州不能困若無先事之備而徒仰給
于內帑不惟緩不及事以天下之大盡內帑亦不足
給矣帝乃下詔曰近來淮揚地方官平時著實經理民事加
無歲不蠲免振濟若地方官平時著實經理民事加
意撙節多方設備即有灾荒豈至束手無措令為官
者本無實心愛民只虛文了事一遇水旱即委責于
上事過依舊因循不理豈朝廷任官養民之意因令
吏部查兩府被灾地方有司有
貪酷害民及衰老無為者黜之

六月浙江海溢

杭州嘉興寧波紹興四府海潮沸溢湧高數
丈人畜淹沒大小戰船擊壞漂散者無算

秋八月以張四維為禮部尚書兼東閣大學士預機務

張居正當國四維歲時謁問居正不絕居正請增置閣臣引薦四維遂入贊機務故事入內閣者曰同某字帝親批也于是四維恂恂若屬吏然不敢以同僚自處隨居正後

質實

張四維字子維蒲州人

河決碭山

南幾大水河決碭山而北淮決高家堰而東高郵洞亦決清水潭口淮城幾沒徐邳山陽南北漂蕩千里河道淤淺阻漕者數年初孝宗時漕臣白昂以運舟經甃社湖觸岸輒壞乃開復河于高郵隄東以避其險長四十里名曰康濟河至是湖水決漕臣吳桂芳改挑康濟越河修復老隄河成名曰宏濟遂為永利

質實

山陽漢射陽縣地晉置縣以境內有山陽津而名明屬淮安府今因之高郵湖在高郵州西北

天長以東之水俱匯此達於運河清水潭口在高郵州北三十里老隄洪武九年所築湖堤即西隄也其康濟河即故東隄孝宗時白昂于隄東越民田三里鑿康濟河通餉避湖謂之東隄其捍隔民田者為中隄至是修復老隄改挑越河于是廢東隄築中隄以便牽輓云吳桂芳字子實新建人

九月禮部尚書萬士和罷

士和初官庶吉士以忤嚴嵩改部曹累任按察布政使並著清節及官尚書多所條奏時張居正欲越例贈朱希忠王爵馮保為方士求官士和俱力持不可又給事中余懋學以言事得罪士和言直臣不當斥由是積忤居正給事中朱南雍承風劾之遂謝病歸至居正沒起南京禮部尚書引年不赴卒謚文恭

質實

余懋學字行之婺源人言事得罪張居正進白燕白蓮頌懋學以帝方憂旱下詔罪已與百官

圖修禳而居正頷獻瑞非大臣誼抗疏論之已而復陳崇惇大親謬諤慎名器戒紛更防佞諛五事時居正方務綜覈以為風已遂斥為名居正死起懋學故官朱南雍浙江山陰人

冬十月京師地震

先是九月京師地震至是再震

丙子四年春正月下巡按遼東御史劉臺于獄除名為民

時御史在外每凌巡撫張居正欲痛抑之事小不合詰責隨下又飭其長加考察以故言路多不平會臺奏遼東大撓居正以巡按不得報軍功劾臺違制妄奏引故事繩督之臺遂抗章劾居正專擅威福如逐

大學士高拱私贈成國公朱希忠王爵引用張瀚張
四維為黨斥逐言官余懋學傳應禎等因上行私橫
黷無厭居正怒甚具疏辭政入見帝言言者謂臣擅
威福而臣所行正威福也將巽順以悅下邪則誤國
將竭忠以事上邪則無以逃專擅之譏因俯伏泣不
能起帝為下御座以手掖居正曰先生起吾建臺竟
其事遂下臺詔獄命廷杖百遠戍之居正陽具疏救
乃除名為民久之復用他事戍潯州未幾飲于戍主
所歸而暴卒○臺巡按遼東時與巡撫張學顏不相
得至是學顏為戶部誣臺私贖鍰居正屬御史于應
昌巡按遼東覈之而令王宗載巡撫江西廉臺里中
事應昌宗載希居正意實其事以聞遂戍之後御史
江東之頌臺寬詔復質實劉臺字子畏安福人引用
官天啟初追謚毅思張瀚字子文仁和人先
是吏部尚書楊漣罷時廷推葛守禮次朱衡次瀚居
正惡守禮慙厭衡驕乃拔用瀚瀚資望淺忽見擢舉

朝益趨事居正而漸進退大臣率奉居正指輿論多
不協默遂傳應貞字公善安福人疏陳重君德蘇民
困閭言路三事言通者雷震端門獻吻京師及四方
地震疊告曾未聞詔修省豈真以天變不足足畏耶
真定秋分中使本非舊典正統間嘗暫行之先帝納
李芳言已詔罷遣而陛下顧欲行失德之事豈真以
祖宗不足法邪給事中朱東光奏陳保治初非折檻
解衣者此乃竟留中不報豈真以人言不足恤邪此
三不足者王安石以之誤宋不可不深戒也陛下即
位初自隆慶改元以前逋租悉賜蠲除四年以前免
三徵七恩至渥也乃上軫恤已至而下延玩自如小
民一歲之入僅足給一歲無遺力以償負也近乃定
輸不及額者撫按聽糾郡縣聽調諸臣畏譴督趨倍
嚴致流離接踵怨咨愁歡上徹于天是豈陛下所樂
聞者哉請下明詔自非官吏乾沒並曠然除之民困
既蘇則災沴自弭陛下登極初召用直臣石星李己

臣工無不慶幸近則趙參魯糾中涓而謫為典史余懋學陳時政而錮之終身他如胡致禮裴應章侯於趙趙煥等封事累上一切置之如初政何臣請擢參魯京職還懋學故官為人臣進言者勸疏入居正以疏中王安石語侵已大怒調旨切責下獄杖戍未幾召還張學顏字子愚肥鄉人江東之字長信歙人

二月開草灣河

督漕侍郎吳桂芳上言淮揚洪遼奔衝緣海汊海久湮入海止雲梯關一徑致海擁橫沙河流汎而鹽安安高寶屢成巨浸國家轉運惟知急漕而不暇急民故朝廷設官亦主治河而不知治海今黃河衝決駁駁欲奪安東以入海請于草灣低窪之地挑新口以迎大溜安東衆流匯圖其勢垂陷不如委之以拯全淮廷議安東未可棄而命開草灣閱六月工竣水患稍平○是時開草灣河至秋七月辛亥工竣其後通塞

不時至十七年大河復由此分流奪正流十分之七
凡六十里至安東縣南赤晏廟仍合正河

質實

雲梯關在山陽縣東北二百里大河北
岸鹽安高寶謂鹽城安東高郵寶應也

夏五月命司禮太監馮保同法司錄囚

帝諭保曰茲當五年差官錄囚恐輕重或有冤抑其
會同三法司堂上官審錄保于是會同尚書王崇古
等以情可矜疑者減釋有差

秋七月詔戶部明年漕糧折收十之三

從張居正請也先是漕舟河河決不時至已而漕運
通居正以歲賦頭春發水橫濫非決即涸乃采漕臣
議督艤卒以孟春兌運及歲初畢發少
罹水患行之久太倉粟充盈可支十年

八月帝視國子監

以雨免進講賜張居正等扇銀葉各有差

河決崔鎮

是年二月以後江北旱河水斷流至是徐豐沛睢寧金鄉魚臺單曹八州縣河又大決田廬漂沒無算河流鬻宿遷城吳芳桂請遣縣治築土城以避之明年復決而北清口淤墊全淮南徙彌漫山陽高寶間會河向桃源三義鎮入老黃河故道質塞崔鎮在桃源淮水乘虛入清口老黃河復塞縣西北三義鎮在桃源縣東舊名三義鎮明史河渠志黃河桃源三義鎮歷清河縣北至大河口會淮入海是為老黃河至嘉靖初三義鎮口淤而黃河改趨清河縣南與淮會于是大河口故道遂廢

冬十月振徐州灾

從巡撫吳桂芳請也以河決徐州及豐沛睢寧金鄉魚臺單曹七縣皆被灾蠲免糴米并動庫銀振之

丁丑五年春正月詔鳳陽淮安營田

鳳陽淮安二府土廣人稀加以水灾民半逃亡二千
里皆成灌莽巡撫御史邵陞條上營田九事以為勞
來安定之質寶邵陞餘姚人營田九事一日處財用
計從之質寶欲于淮北海南歲掣鹽引每引帶鹽
十斤納銀五分增淮安諸關處所權稅二曰防欺隱
謂開墾之幣百出在官預圖却責有捏未荒為久荒
未逃為久逃者在民巧為干澤有拋熟以為荒暫避
以為逃者甚或以民地為官以甲產為乙必先逐里
逐戶彼此交實將空闕官地又荒近荒民地見在人
戶久逃近逃人戶分為六則俟流民之來歸者按籍

授田既佃之後原主不得告訐則奸弊無所容矣三
曰廣招徠謂凡因水旱迫而逃者一切許其歸附原
籍給以居室地土而官府之逋欠糧里之包賠債主
之責償仇家之訐告概置不問四曰開溝洫謂鳳陽
淮安之民墾墾相習耕犁畝斜無復畛界撒種其中
不幸水旱有束手捫腹而已須相度其地孰為水勢
入河之所而疏之以使其不積孰為衆水趨滙之區
而濬之以浸其下流大都百畝之地割為一區周遭
為渠內開小溝而皆通于澤以入于河濶則委百畝
之水于衆溝旱則運衆溝之水于百畝所謂天時不
能使之害者此也五曰給牛種一夫授田五十畝兩
家給一犍牛一家給一牦若牦有生息責令報官以
給後之招徠者種子每田一畝給粟一斗麥半之六
曰備接濟凡來歸者皆令輸力于官官予之食并量
給其妻子至麥熟注支七曰緩征役凡招徠之民一
年捻止取原種再捻乃還濟糧四捻乃征稅額五捻

乃賦戶徃而又定為新集之制另立招復一籍科派俱各從輕詞訟量議寬貸候其生理漸興而後鄉社禮法次第可舉八曰勵司牧凡招墾有司歲終舉劾六年被薦多破格超遷三年內經薦劾者非賊罪不草職成功一體陞擢九曰均責成僉事駐劄兩郡之中不時巡行將招墾事蹟逐日登記年終繳查又擇鄉民之有心計者為農師以分理其事疏入詔撫按官督營田僉事著實舉行三年之後遣官閱實以行

賞罰

二月振廣西饑

廣西饑命留上年事例銀振濟

廣東羅旁叛瑤平

羅旁在德慶州上下江界東西兩山間延袤七百里
成化中幹雍經畧西山頗安輯惟東山猺阻深箐剽
掠有司歲發卒戍守兩廣總督殷正茂建議大征會
遷去侍郎凌雲翼代至是雲翼乃大集兵令總兵官
張元勲李錫將之四閱月克巢五百六十俘斬招降
四萬二千八百有奇鄰境猺獠皆懼求撫雲翼奉改
瀧水縣為羅定州設質實羅旁梁置瀧州隋開皇十
監司參將積患頓平八年改瀧水縣明初亦曰
瀧水縣其南有廢瀧水鎮舊為羅旁地猺人盤據于
此至是乃改為直隸羅定州又設東安西寧二縣今
皆因之上下江者上江謂江西下江謂南江西江即
鬱水南江即瀧水也瀧水在羅定州西飛瀑驚湍最
為險阨東西兩山者東山在肇慶府封川縣東西山
在羅定州東安縣西南殷正茂字養實歛人凌雲翼
字洋山太倉州人張元勲字世臣浙江太平人

夏四月兵部尚書譚綸卒

綸沈毅知兵初守台州禦倭有功累擢巡撫朝廷倚以辦賊遇警輒調居官無寧歲後督師薊遼集兵三萬更徵浙兵三千專屬戚繼光訓練相度邊隘衝緩道里遠近分薊鎮為十二路路置一將互為犄角邊備大飭敵不敢入犯帝即位初進兵部尚書三疏乞歸不允至是卒贈太子太保謚襄敏綸先撫福建次撫四川進撫兩廣前後積首功二萬一千有奇嘗戰酣刃血漬腕累沃乃脫綸終始兵事垂三十年與戚繼光共事齊名稱譚戚

秋閏八月乙酉朔日有食之陰雲不見

九月張居正以父喪起復冬十月杖綸修吳中行等謫

戊有差

張居正久授朝綱恐人圖已遂爾自謀起復會權戀位之私實不能以自解至吳中行等抗詞極論雖不無過激亦何至紛紛杖謫多人大臣欲以強倖立威逞行罔慮實為弄權國紀神宗竟爾任其施為雖重皆不應若

居正父卒帝以手諭宣慰視粥止哭絡繹道路又與三宮賻贈甚厚然亦無意留之而居正自以握權久恐一旦去他人且謀已會所著同年戶部侍郎李幼孜欲媚居正首倡奪情議居正惑之馮保亦不欲居正去中旨令吏部尚書張瀚諭留居正居正乃陽上疏請守制而陰以牘風瀚復旨瀚謬為不喻謂政府奔喪宜予殊典禮部事也何闕吏部居正復令容說之不為動乃傳旨責瀚久不奉詔無人臣禮勒致仕于是御史曾士楚吏科都給事中陳三謨倡疏請留和者相繼編修吳中行獨憤適替出詔百官修省中行首上疏曰居正父子異地分睽音容不按者十有九年一旦長棄數千埋外陛下不使匍匐星奔馮郭一慟必欲其違心抑情銜哀茹痛于廟堂之上而責以訏謨遠猷調元熙載豈情也哉即云起復有故事

是居正索刀刺
頭更行同無賴
可鄙甚矣

亦未有一日不出國門而遽起視事者祖宗之制何
如也事繁萬古綱常四方視聽銷變之道無踰此者
疏既上以副封白居正居正愕然曰疏進邪中行曰
未進不敢白也明日檢討趙用賢疏已入而員外郎
艾穆主事沈思孝亦合疏言居正貪位忘親居正大
怒謀于馮保欲廷杖之尚書馬自強曲為營解居正
跪而以一手撫鬚曰公饒我公饒我學士王錫爵造
居正喪次為之解居正曰聖怒不可測錫爵曰即聖
怒亦為公語未訖居正勃宰下拜索刀作刎頸狀曰
爾殺我爾殺我徑入不顧錫爵大驚趨出侍講于慎
行田一儁張位趙志皋修撰習孔教沈懋學皆疏救
格不入遂杖中行等五人并斥為民于是錫爵慎疏
爭亦坐杖戍五人者直聲震天下南京御史朱鴻模
馳疏救中行等五人並斥為民于是錫爵慎行一儁
懋學先後移病歸詔遣居正子編修嗣修與司禮太
監魏朝馬傳往代司喪禮部主事唐誥治祭工部主

事徐應聘治喪居正請無造朝以質實吳中行字子
青衣素服角帶入閣治事許之

道武進人隆

慶五年進士居正其座主也李幼孜應城人張瀚先
附居正得掌吏部見非于世至是忤之去士論乃皆
重瀚趙用賢字汝師常熟人中行同年進士艾穆字
和父平江人沈思孝字純父嘉興人王錫爵字元馭
太倉人于慎行字無垢東阿人田一儁字德萬大田
人趙志臯字汝蕙蘭谿人習孔教廬陵人沈懋學字
君典宣城人是時中行等四人同日受杖畢校尉以
布曳出長安門昇以板扉中行氣息已絕中書舍人
秦柱扶醫至投藥一匕乃蘇封去腐肉數十鬻大者
盈掌深至寸一肢遂空用賢體素肥肉潰落如掌其
妻腊而藏之中行用賢即日驅出國門人不敢候視
穆思孝復加錮鎖且禁獄越三日始僉解發戍許國
方以庶子充日講鐫玉杯一曰斑斑者何卞生淚英
英者何蘭生氣追之琢永成器以贈中行鐫犀杯一

日文羊一角其理沉默不惜剖心寧靜碎首黃流在
中為君子壽以贈用賢鄒元剽字爾瞻吉水人時觀
政刑部憤甚視四人杖畢而疏上越三日受杖謫戍
貴州都勻衛朱鴻模字文甫益都人居正死曾士楚
當按蘇松憮然曰吾何面目見吳趙二公遂引疾
去陳三謨擢太常少卿尋與士楚俱被劾削籍

彗星見

從東南方起長亘天人情洶洶指目張居正至懸
謗書通衢帝詔諭羣臣再及者誅無赦謗乃已

兵部尚書王崇古罷

初諳達諸部嘗越甘肅掠西番既通款其從孫徹辰
台吉連歲盜番不得志求諳達西援崇古每作書止
之是年諳達請赴西海迎佛崇古上言西行非諳達
意且以迎佛為名不可阻宜飭邊鎮嚴守備而陰泄

其謀于蕃族以示恩于是給事中劉鉉尹瑾等交章
劾崇古弛防徇敵崇古奉辦因乞休去崇古身歷七
鎮勲著邊陲封貢之初廷議紛紜有為危言以撼帝
者閣臣力持之乃得成功自順義歸歿後二十年崇
古乃歿質實劉鉉鄱陽人尹瑾東莞人○微
謚讓毅辰台吉舊作切盡台吉今改

十一月考察百官

以星變命四品以上京堂官自陳庶官聽部院考察
張居正自奪情後知天下不與己思以威權劫之時
因考察百官趙志臯張位習孔教相繼遷謫南京僉
都御史張岳請令居正奔喪坐考察自陳貶秩禮部
尚書何維柏亦以自陳免維柏于嘉靖時以劾嚴
嵩得罪隆慶初復官累遷尚書先是奪情議起詔吏
部諭留尚書張瀚叩維柏
也瀚從之而止居正怒取

質實

張兵字汝宗餘姚人

戊寅六年春二月以潘季馴總理河漕

先是總河傳希摯欲塞決口吳桂芳主開老黃河故道議未決有言宜多濬海口以分水勢者會桂芳卒以季馴代之季馴乃上兩河經畧疏曰水性就下以海為壑向因海壑河高以致決堤四溢運道民生胥受其病故今談河患者皆以濬海為上策茅海有潮汐茫無著足不得已而議他闕豈知海口視昔雖壅然自雲梯闕四套以下濶七八里至十餘里深皆三四丈不等縱使欲另開鑿必須深濶相類乃便注放則工力艱鉅必不能成矧未至海口乾地猶可施功及將入海之處則潮汐往來亦與舊口等耳且舊口積沙人力雖不可濬水力自能衝刷乃若新闕之地則土壤堅實不特人力難措而水力亦不能衝故海

季馴治河為明

季河臣第二所

陳六議具有條

理今亦頗仍其

利即如濬海工

程一節實為明

達事休夫海口

潮汐往來隨濬

隨積不可以人

力治理本易曉

而導河刷海因
具自然之勢具
說尤為至當且
明神宗時至今
幾二百年如果
淤墊足慮則河
流久應梗塞不
通而津梁猶在
未聞小變可見
浮沙雖壅實與
水道無關言者
第未深察耳故
上空談無裨實
際迂儒口占粉
牆杜往如此惟在
斷之以理而已

無可濬之理惟當導河以歸之海則以水治水即濬
海之策也然河又非可以人力導也欲順其性先懼
其溢惟當繕治隄防俾無旁決則水由地中沙隨水
去即導河之策也顧頻年以來無日不以繕隄為事
亦無日不以決隄為患何哉卑薄而不能支迫近而
不能容難以浮沙而不能久隄之制未備耳是以黃
決崔鎮等口而水多東潰隄弗固也乃議者不咎制之未
備而咎築隄為下策豈得為通論哉又有所未盡者
上流既潰隄旁決至於下流或復歧而分之其趨於
雲梯關正海口者譬猶强弩之末耳蓋徒知分流以
殺其怒而不知水勢益分則其力益弱水力既弱又
安望其能導積沙以注海乎故今日濬海之急務必
先塞決以導河尤當固隄以杜決而欲隄之不決者
必真土而勿雜浮沙高厚而勿惜鉅費讓遠而弗與
爭地斯隄可固也如徐邳桃清沿河各隄固矣崔鎮

等口塞矣則黃不旁決而衝漕力專高家堰築矣朱家口塞矣則淮不旁決而會黃力專淮黃既合自有控海之勢又懼其分之則力弱也則必暫塞清江浦河而嚴司啟閉以防其內奔姑置草灣河而專復雲梯以還其故道仍接築淮安新城長隄以防其未流盡合黃淮全河之力涓滴悉趨于海則力強且專下流之積沙自去下流既順上流之淤墊自通海不濬自闢河不挑而深此所謂固隄即所以導河導河即所以濬海也治河者必先求河水自然之性而後可施其疏築之功必先求古人已試之效而後可倣其平成之業黃水來自崑崙入徐濟運歷邳宿桃清至清口會河而東入於海此兩河之故道即河水自然之性也昔元歲漕江南之粟由揚州直北出廟灣入海至永樂年間平江伯陳瑄始隄管家諸湖通淮河為運道然慮淮水漲溢東侵淮郡也故築高家堰隄以捍之起武家墩經小大澗至阜寧湖而淮水無東

侵之患矣又慮黃河漲溢南侵淮郡也故隄新城之北以捍之起清江浦沿鉢池山柳浦灣迤東而黃水無南侵之患矣尤慮河水自脾衝入不免泥淤故嚴啟閉之禁止許漕艘由脾出入匙鑰掌之都漕五日發籌一放是以淮郡晏然漕渠永賴而陳平江之功至今未泯也後因剝蝕既久隄岸漸傾水從高家堰決入一郡遂為魚鱉而當事者未攷其故乃謂海口壅塞遂穿支渠以洩之蓋欲急拯淮民之溺多方為疏導之計詎知旁支暫開水勢陡趨正河遂至淤阻而新開支河濶僅二十餘丈深僅丈許較之故道不及三十分之一耳豈能容受全河之水下流既壅上流自潰此崔鎮諸口所由決也今新河尋復淤塞故河漸已通流雖深濶未及原河十分之一而兩河全下沙隨水刷欲其全復河身不難也河身既復面濶者七八里狹者亦不下三四百丈滔滔東下何水不容若猶以為不足而欲另尋他所別開一渠恐人力

不至於此也以臣等度之非惟不必另鑿一口即草
灣亦須置之勿濬矣故為今之計惟有修復平江伯
之故業高築南北兩隄以斷兩河之內灌而淮揚昏
墊之苦可免堅塞桃源以下崔鎮口諸決而全河之
水可歸故道淮黃二河並驅入海則沙隨水刷海口
自復而挑清淺阻又不足言矣此以水治水之法也
若夫扒撈挑濬之說僅可施之於睢河耳黃河河身
廣濶撈濬何期捍激湍流器具難下前人屢試無功
徒費工料徐州以南之工如此而已因條上六議曰
塞決口以挽正河曰築隄防以杜潰決曰復脾壩以
防外河曰創浚水壩以固隄岸曰止濬海工程以省
糜費曰寢開老黃河之議以仍利涉帝悉從其請乃
塞崔鎮等決口百三十築高家堰隄六十餘里歸仁
集隄四十餘里柳蒲灣隄東西七十餘里自徐沛至
淮揚間遙隄遠水減水壩埝無不修築
逾年工成自後數年河道遂無大患
質實 武家墩
在山陽

縣西南鉢池山在山陽縣西北歸仁集
在徐州府宿遷縣南傳希執衡水人

立皇后王氏

先是帝大婚屆期慈聖太后將歸慈寧宮諭張居正
曰吾不能視皇帝朝夕師保之責專恃先生尋以居
正充納采問名副使吉服從事給事中李涑言大婚
重典而使居正變服從吉於觀聽不宜乞別簡用不
聽質實后餘姚人時以英國公張容充正使持節而
居正捧制李涑字源甫雋都人以忤居正出
為僉事

三月以禮部尚書馬自强兼文淵大學士吏部侍郎
申時行兼東閣大學士並預機務

史稱爲自強入閣張居正以人望薦之一似居正負能不念風嫌者殊不知居正專權擅賞有操縱之才自強當日即因負名抵忤未聞悉力糾彈自恃勢位不能相抗久矣一旦以相位牢籠自當喜出望外見其人之色厲內荏或亦有深識其意裏

張居正諸增置閣臣今居正推擇居正以自強有人望而時行又其所厚遂薦用之自強負抗直名素忤居正不自意得之頗德居正既入閣守位而已時居正將歸塋父念閣臣在鄉里者高拱與已有深隙殷士儋多援或乘間以出惟徐階老易與擬薦之自代已遣使報階既念階前輩已還當位其下乃請增置閣員實爲自強字體朝同州人臣中時行字汝默長洲人

張居正葬父歸夏六月還朝

帝大婚後居正乞歸葬父許之召見于平臺居正奏言大婚之後宜搏節愛養留心萬幾因伏地而哭帝亦為哽咽墮淚乃賜帝賚忠良銀章如楊士奇張孚敬例得密封言事帝及兩宮賜賚慰諭有嘉禮遣司禮太監張宏供張餼郊外百僚班送勅呂調陽等有大事勿專決馳驛之荊州聽居正處分會遼東報

皆是以賜雅興
論之功隆貴傾
心之切正魯論
所云苟患失之
無所不至者也

大提帝復歸功居正使使馳諭俾定爵賞居正為條
列以聞既畢堊且還朝居正上言母老不能冒炎暑
請俟秋涼就道帝遣錦衣指揮翟汝敬馳傳往趣之
而令中官護其母以秋日由水道行居正所過守臣
率長跪撫按大吏越界迎送身為前驅道經襄陽襄王
出候要居正宴故事雖公侯謁王執臣禮居正具賓
主而出過南陽唐王亦如之及還京抵郊外詔遣司
禮太監何進宴勞兩宮亦各遣大璫御賜八寶金釘
川扇御膳餅果醪醴百僚復班迎入朝帝慰勞懇篤
予假十日而後入閣因引見兩宮及秋中官奉居正
母行儀從烜赫觀者如堵比至帝與兩宮
復賜賚加等慰諭居正母子樂用家人禮

秋七月呂調陽罷

調陽棄數寢疾不出小事四維代擬大事則馳報
正於江陵調陽內漸累疏乞休及居正還遂致仕

詔選內豎三千五百人

嘉靖時此政甚多獨其裁抑中官頗得制馭近習之道故涓人奉法不敢恣肆者幾數十年神宗家其遺制正當申嚴禁今何以復廣加遴選竟至三千五百人之多蓋由馮保居中用事吹噓引進使黨類復致蔓延而若命司禮監察官會同禮部揀選內豎三千五百七十名應用於是禮科給事中李天植上疏言陛下纘服初年先收馬安等三千二百五十人部覆永不為例今六載之中兩收數千倖門日啟覲澤者多儻得收回成命散此黨與上也不然質實李天植廣裁取其半次也疏入報聞

德州人

冬十二月高拱卒復其官

拱家居數年及是卒張居正請復其官與祭葬如例馮保賊未釋中旨給半塋祭文仍寓貶詞初詣違封貢拱力主王崇古議邊陲得以休息卒後久之廷議論拱功乃贈太師謚文襄

封李成梁寧遠伯

嘉靖時此政甚多獨其裁抑中官頗得制馭近習之道故涓人奉法不敢恣肆者幾數十年神宗家其遺制正當申嚴禁今何以復廣加遴選竟至三千五百人之多蓋由馮保居中用事吹噓引進使黨類復致蔓延而若

氣焰既滋勢即
難于鈴束未幾
而盛怒日甚確
瑞稅監四出征
求元氣由茲削
盡馴至茹花委
鬼竊弄厥權貽
毒遂傾國祚履
霜堅冰此其漸
矣

土默特與從父哈斯坦弟大小韋徵從弟諾木圖恭
圖子布延臺珠爾從子歡臺吉及泰寧部長博斯呼
綽哈等頻年入犯成梁屢擊却之論功世廕恩賚稠
疊至是博斯呼綽哈糾土默特歡臺吉等以三萬餘
騎壁遼河攻東昌堡深入耀州成梁遣諸將分屯要
害以遏之而親提銳卒出塞二百餘里斬其長九人
餘首級八百四十捷聞帝質實東昌堡在海州衛東
告謝郊廟封成梁寧遠伯質實南海州衛即今奉天
府海城縣耀州遼置今廢故城在海城縣西南哈
斯坦舊作黑石炭韋徵舊作委政諾木圖舊作煖土
恭圖舊作拱土布延台珠爾舊作卜言台周
博斯呼舊作把速亥綽哈舊作炒花今並改

戶部奏是歲天下戶口之數

戶一千六十二萬一千四百三十六口六千六十九
萬二千八百五十六〇明食貨志明代戶口之數增

減不一其可攷者洪武二十六年弘治四年及是年而已明初兵燹之後戶口顧極盛其後承平日久反不及焉所以減者周忱所謂或投倚于豪門或冒近竄兩京或冒引賈四方舉家舟居莫可蹤跡也故宣宗嘗與羣臣論歷代戶口以為其盛也本于休養生息其衰也由土木兵戎云

巳卯七年春正月毀天下書院

原任常州知府施觀民以科斂民財私創書院坐罪革職閑住是時士大夫競講學張居正特惡之盡改各省書院為公廨凡先後毀應天等府書院六十四處

二月遣使分閱邊防

分遣科道等官往各省察地方官有科斂及侈費者劾之

夏四月張居正上雖肅殿箴

帝漸備六宮多宣索太倉銀購珠寶居正乃因戶部
進御覽數目陳言謂每歲入額則減於舊所出則浮
於前請量入為出罷節浮費因進雖肅殿箴帝嘉納
焉帝令工部鑄錢給用居正以利不勝費止之言官
請停修武英殿工及裁外戚官員恩數帝多曲從之
一日帝御文華殿居正侍講讀畢以給事中所上災
傷疏聞因請振濟復奏曰上愛民如子而在外諸司
營私背公剥民罔上宜痛鉗以法而上亦當加意撙
節於官中一切用度服御賞賚實實
臣撰詞居正因撰進雖肅殿箴箴曰北辰紫宮惟皇
宅中身為民表心與天通斯須不和則乖戾起斯須
不敬則傲慢叢念常生于所忽禍乃基于無窮是以
聖人事心天命是教欽歆上日謹萬幾處深言公同

欽定四庫全書

御定資治通鑑綱目三編
卷二十六

五

八極不以嗜慾滑和不以逸豫減德無作好無作惡
藹藹熙熙如春時煦無荒色無荒禽兢兢惕惕如淵
斯臨勿謂燕閒人莫予觀一喜一怒作人煥寒絃急
者絕氣平者安優優和衷為君實難勿謂宥密人莫
予弼一動一言恒為度律危懼則存驕泰則失昭昭
神明相在爾室在昔成周宇內太和繇離離其在宮
發琴瑟而不顧亦曰懿恭小民懷保繇肅肅其在廟
克對揚于祖考我皇潛哲是謂智臨匪高明之不足
貴育德于靜深我皇撫運是謂開泰匪豐亨之未臻
懼此心之或汰樂以平其情雖鐘簋不設而若聞希
聲然後心和氣和而天下平禮以飭其志雖升降未
施而若持重器斯謂無逸乃逸而天下治故曰沖和
養威潛泊者養祿危厲者養安憂勞者養樂以古為
師于何不儀平平周道惟皇所之以心為鑑于何不
見穆穆文王惟皇所憲朽索在手勿謂無傷覆車在
睫奈何勿防和不見流敬不可忘慎終如始萬壽無疆

秋七月振蘇州災

蘇州水災撫按官請先行振濟隨賜蠲免從之

京師地震

一日凡再震

八月減均徭加派

明初設法有里甲均徭雜泛三等以戶計曰甲役以丁計曰徭役上命非時曰雜役皆有戶役有產役府州縣驗冊丁口多寡事產厚薄以均適其力自嘉靖以來行一條鞭法一條鞭者總括一州縣之賦役量地計丁丁糧畢輸于官一歲之役官為僉募力差則計其工食之費量為增減銀差則計其交納之費加

以增耗凡額辦派辦京庫歲需與存留供億諸費以及土貢方物悉併為一條會計畝徵銀折辦于官故謂之一條鞭其法無他科擾而民力亦不大絀頗稱簡便然諸役冗費名罷實存有司追徵如故百姓若之至是詔減銀一百三十萬有奇

庚辰八年春二月辛未朔日有食之

帝耕藉田

以耕藉禮成賜公

卿等銀幣有差

三月帝奉兩宮太后謁陵天壽山

行春祭酒也張居正等扈行

賜銀幣有差免所過田租

居正儼然以帝師自負實遠人臣敬慎之儀又勅輒以乞休固罷則更欲尤正安石而燕甚且因兩子下第各奏停館選而其子遂連擢進科真以朝廷寵優之規模為私室光榮之具驕橫若此雖有才亦何足重乎

張居正乞罷詔慰留之

居正扈帝謁陵歸具疏乞休中云拜手稽首歸政凡再上帝慰留懇切最後手書稱慈聖口諭先生親受先帝付託豈忍言去俟輔爾歲至三十而後商處先生毋復興此念居正乃出時帝顧居正監重賜札稱元輔或稱先生或又稱元輔張少師先生待以師禮而居正奏謝亦儼然自負為帝者師初居正子敬修嗣修懋修先後領鄉薦帝改元之二年敬修會試不第居正怒因停是科館選至五年嗣修遂以第二人及第至是年復屆會試懋修敬修皆中式會居正方乞休遂特擢懋修第一人及第是時輔臣呂調陽張四維申時行之子亦皆先後成進士御史魏允貞疏陳時弊請自今輔臣子弟中式俟致政之後始許廷對庶倖門稍杜允貞因是謫官于外然自是輔臣居正其子無復登科者矣

夏四月迤東都督王兀堂寇邊李成梁擊敗之

兀堂通市寬甸怨邊將強抑市價數遣騎寇邊犯靉陽及黃岡嶺指揮王宗義戰死遂入永甸堡成梁擊走之追出塞斬首八百餘級盡毀其營壘至秋復犯寬甸副將姚大節又破之兀堂由是不振實實靉陽堡在遼東都指揮司東南鳳凰城北永甸堡在鳳凰城東

振兩淮災

以兩淮各竈場饑命撫按官賑濟又以江北等處連次告饑命支銀田營并各倉貯粟賑之戶部言有司積穀賑荒先年立法俱止於州縣不知各府為州縣表率亦當照例存積以備賑濟從之

六月南畿大水

先是鳳陽等處雨潦淮溢水薄泗城且至祖陵塚中
御史陳用賓以聞給事中王道成因疏言黃河漲淮
淮之間霖雨偶集而清河口已不能
容洩宜令河臣設法疏導堵塞從之
質實王道成
巴縣人

秋七月後軍都督府僉事俞大猷卒

先是大猷以平古田獍功進世廕已為巡按御史所
劾回籍聽調久之後以都督僉事起僉書後府事領
車營訓練三疏乞歸卒贈左都督賜祭葬謚武襄武
平崖州饒平皆為立祠○大猷少好易嘗以易推行
兵家奇正虛實之權謂兵家之數起五猶一人之身
有五體雖將百萬可使合為一人也初為汀漳守備
泣武平作讀易軒與諸生為文會一日教武士擊劍
及為大將持身廉馭下有恩敷歷東南大小百十餘
戰所向無不勦滅威名震南服其用兵先計後戰不
貪近功忠誠許國老而彌篤諱綸嘗與書曰節制精

明公不如綸信賞必罰公不如戚精悍馳騁公不如
劉然此皆小知而公則堪大受戚謂戚繼光劉謂劉
顯也其為綸質實饒平明成化十四年置
所重推如此縣屬潮州府今因之

冬十月汰冗官

協理京營兵部尚書楊兆以有詔令本部侍郎帶管
疏辭協理帝命具供職候裁仍勅吏部核兩京大小
九卿及各屬有冗濫者裁之並覈各省徭賦及諸司
冒濫冗費皆從張居正請也已而吏部核議各部員
外郎主事以下應裁者歸併兼管令在任候裁戶部
核議鳳陽營田僉事各員應裁者歸併所轄州縣後
議裁草北直隸保定等府同知通判以下官五十五
員應天福建倉大使等四十六員浙江布政使司都
事等官二十員江西陝西延綏鄜陽等處司府州縣
佐貳雜職等官三十員南贛貴州司府縣驛等官十

員南京中左二府錦衣衛各
僉書大教場等營把總八員

振蘇松常鎮四府饑

四郡並灾命將漕糧倉糧屯糧各酌量改折常熟吳
江長洲崑山四縣被灾尤甚以餘剩兵餉并發贖罰
銀分振之

十一月度民田

初建昌知府許孚遠始為歸戶冊以田從人法簡而
密後張居正議天下田畝通行丈量遂用開方法以
徑圖乘除畸零截補於是豪猾不得欺隱里甲免賠
累而小民無虛糧總計田七百一萬三千九百七十
六頃視孝宗時贏三百萬頃居正頗以濫額為功有
司短縮步弓以求田多或括克見田以充虛額後遂

按溢額增賦時戶部議丈量田條為八款一明清丈之例謂額失者丈全則免一議應委之官以各右布政使總領之分守兵備分領之府州縣官則專管本境一復生派之額謂田有官民屯數等糧有上下數則宜逐一查勘使不得詭混一復本徵之糧如民種屯地者即納屯糧軍種民地者即納民糧一嚴欺隱之律有自首歷年詭占即開墾未報者免罪首報不實者連坐豪右隱占者發遣重處一定清丈之期一行丈量磨算之法一質實許孚遠字益處紬劉供億之費俱從之中德清人

發明

丈量田畝俾豪猾之欺隱者無以行其奸里甲綜代輸者不至滋其累未常非除弊之善

政備一有溢額為功之心則除弊者適以滋弊以居正之綜核豈不知天下田畝自有定數何至自孝宗以來上下未百年間贏餘竟至三百萬頃之多是由居正務以溢額為心遂至不問其額之何

以溢為有司者亦惟知迎合意旨而不及文溢一時賦加永久之為累至有短縮步弓諂增浮額以快其多功之心者上下相蒙良法專為弊政昔王成偽增民戶史傳猶且譏之一郡且然况以遍于天下夫使田畝徒益虛名而民生致被實害又豈大臣為國之誼哉

詔納官並自陳斥逐有差

帝即位初慈聖太后遇帝嚴太監馮保倚太后勢數挾持帝帝甚畏之時與小內豎戲見保入輒正襟危坐曰大伴來矣所暱孫海客用為乾清宮管事牌子屢誘帝夜遊別宮小衣窄袖走馬持刀又數進奇巧之物帝深寵幸保白太后召帝切責帝長跪受教惶懼甚保屬居正草帝罪已手詔頒示閣臣詞過抑損帝年已十八覽之內慙然迫于太后不得不下居正乃上疏切諫又緣保意劾去司禮巨璫孫德秀溫泰

等而令諸內侍俱自陳凡保所不悅者斥退殆盡帝由是漸惡保并亦噉居正矣保竊權肆橫間亦時引大體內閣產白蓮翰林院有雙白燕居正以為瑞進之保使使語居正曰主上冲年不可以異物啟其玩好保又頗能約束其子弟不敢肆惡人亦以是稱之然保性貪其私人錦衣指揮徐爵內官張大受恃勢招權利居正使蒼頭游七與爵結為兄弟交關語言凡有所謀皆緣以達焉先是上夜宴宮中為近侍孫海客用所惑杖二內使幾斃慈聖皇太后聞之不樂訓誡甚切上悔悟即諭內臣曰孫海客用凡事引誘朕無所不為今安置南京以後但有此等小人即同舉名來奏仍命文書房官宣示閣臣張居正等謂降黜未盡其辜宜發充淨軍上從之次日居正等回奏曰自聖上臨御以來講學勤政聖德日新乃數月之間仰窺聖意所向稍不如前微聞宮中起居頗失常度但臣等身隔外庭未敢輕信而朝廷庶政未見有

缺故不敢妄有所言然前者恭侍日講亦曾舉益者
三樂損者三樂益者三友損者三友兩章書語云樹
德務滋除惡務盡其各監等官俱令自陳老成廉慎
者存之謫佞放恣者汰之且近日皇穹垂象彗芒掃
宦者四星宜大行掃除以應天變臣又聞漢臣諸葛
亮云官中府中俱為一體陟罰臧否不宜異同臣等
待罪輔弼宮中之事皆宜與聞此後不敢以外臣自
限凡皇上起居與宮壺內事但有所聞即竭忠敷奏
及左右近侍有好佞不忠者亦不避嫌怨必舉祖宗
之法奏請處治皇上亦宜痛自改悔戒飲宴以重起
居專精神以廣嗣續節賞賚以省浮費却玩好以定
心志親萬幾以明庶政勤講學以資治理已而司禮
太監馮保自敏先朝知遇與受顧命之
隆及今廕錫之厚欲以老病乞身不允

發明

懲勑內官其名甚美第所劾逐之璫寺不過
取馮保所不悅者而汰去之則此舉適以阿

保之好惡而已而其事皆贊成于居正尤可駭聽
居正身為首輔必與保相固結事事曲為迎合又
使蒼頭與保私人結為兄弟以聯聲勢作威竊柄
罔恤人言一至于此况自陳之典本屬具文大臣
或偶循例避賢引退乃以行之官豎而復濟以私
心為實為名義安所取觀居正疏諫之語且謂不
敢以外臣自限此正欲統擅內外之權以挾制其
主然神宗亦因是見嫌而內官之心終無以服所
謂懲創者亦復何益徒使積怨流毒遺患後來大
臣懷私以事具上具凶于而家害于而國可勝道
哉

辛巳九年春正月勅邊臣備警言

以新歲五日狂靈蔽天勅邊臣加意警備御史范鳴
謙言邊防固宜飭內治尤當修加刑罰未當宜勅有

司不許混擬久監職罰貪墨未息宜勅新選官不許
借貸豪門致赴任責收無措橫肆誅求荒蕪未墾宜
敕淮安鳳陽二府官員留心農事盜賊未殄宜敕有
司不許欺蔽而大要尤在居心之修省起居以時嗜
慾以節講筵毋憚祥問大臣面賜咨詢端好質實鳴
尚禁奢靡庶災異潛消休徵協應疏入報聞

謙江
陰人

命翰林官分番入直

張居正言人主一心乃萬化從出之原亦衆欲交攻
之會必使常有所繫然後縱欲之念不萌而引誘之
奸不入竊見前代好文之主皆有文學之臣奉侍清
燕或承詔登答或應制賡酬皆寓風勸箴規之益翰
林撰述討論為其職務如日講諸臣皆文學優贍其
餘翰林亦皆需次待用宜令分番入直每日輪四員

同日講諸臣在館祇侯萬幾之暇如披閱古文有所
采錄或鑒賞名筆有所題詠即屬諸臣具草或不時
面賜質問以觀其
才品高下從之

二日命儒臣編實錄分類成書

時張居正請命翰林諸臣將累朝實錄摘其切于君
德治道者分類纂修成書名曰訓錄類編以日講之
期如先年進講帝鑑圖說故實實訓錄類編合實訓
事講解一二條以裨治政
凡四十類曰創業艱難曰勵精圖治曰勤學曰敬天
曰法祖曰保民曰謹祭祀曰崇孝敬曰端好尚曰慎
起居曰戒遊佚曰正宮闈曰教儲貳曰睦宗藩曰親
賢臣曰去奸邪曰納諫曰理財曰守法曰敬戒曰務
實曰正紀綱曰審官曰久任曰重守令曰馭近習曰
待外戚曰重農桑曰興教化曰明賞罰曰信詔令曰

謹明分曰却貢獻曰順賞賚曰敦節儉曰慎刑
獄曰褒功德曰屏異端曰飭武備曰禦寇盜

三月大閱

準隆慶三年事例行飭兵工二部重
造盔甲限每年造千副五年通完

夏四月戎政尚書方逢時罷

逢時才略明練處置邊事悉協機宜至是以老病乞
休去其功名與王崇古相亞世稱方王○逢時自萬
歷五年以宣大總督召理戎政時議者爭言貢市利
害逢時疏言數年以來九邊生齒日繁守備日固田
野日闢商賈日通邊民始知有生之樂北部輸誠效
貢莫敢渝約歲時請求隨宜與之輒稽首歡笑有掠
人要賞者告諸達討治即俛首聽命而異議者或曰
敵使充斥為害或曰日益耗費彼欲終不可足或曰

與寇益狎隱憂叵測此皆未觀事機之論也夫使者
之入多者八九人少者二三人朝至夕去守貢之使
賞至即歸何有充斥財貨之賄有市本有撫賞計三
鎮歲費二十七萬較之鄉時戶部客餉七十餘萬太
僕馬價十餘萬十纔二三耳而民間耕獲之入市賈
之利不與焉所省甚多何有耗費乃若所憂則有之
然非隱也方庚午以前三軍暴骨萬姓流離城郭邱
墟芻糧耗竭邊臣首領不保朝廷為之旰食七八年
來幸無此事矣若使臣等處置乖方怯小費而虧大
信使一旦肆行侵掠則前日之憂立見何隱之有哉
所不可知者諸達老矣誠恐數年之後此人既死諸
部無所統一其中狡黠互相爭構假託異辭遂行侵
擾此則時變之或然而不可預料者在我處之亦惟
罷貢絕市閉關固壘以待仍禁邊將毋得輕舉使曲
常在彼而直常在我因機處置顧後人方略何如耳
夫封疆之事無定形亦無定機惟朝廷任用得人處

置適宜何必拘拘焉貢市非而戰守是哉因復奏上
款貢圖尋代王崇古為尚書累疏致仕歸帝書盡忠
字賜之二
十四年卒

土默特犯遼陽副總兵曹簠敗績

先是土默特以二萬餘騎入攻錦州參將熊朝臣固
守而遣步將出戰皆殺敵乃分掠小凌河松山杏山
會李成梁馳援始出境已而土默特復與諸酋聚兵
塞下謀入廣寧成梁率輕騎從大寧堡出塞四百餘
里擊之敵大敗走至是復入遼陽簠出禦之遇伏失
千總陳鵬以下三百十七人馬死者四百六十匹土
默克遂大掠
質實小凌河在錦州府錦縣東亦名錦川松山錦縣南杏山在錦縣西南
人畜而去
大寧堡在錦州
府義州東北

京師旱南畿饑

張居正上言淮安鳳陽蘇州松江四府連被灾傷徐州宿州間至以樹皮充饑或聚為盜昔元末之亂亦起于此當破格振之陛下宜搏節宮中耗費嘉靖間用最浩繁內庫尚有餘積今已增額猶稱缺乏有限之財安能供無窮之用帝嘉納之居正以江南貴豪怙勢及諸奸猾吏民善逋賦乃選大吏精悍者嚴行督責賦以時輸國藏乃充裕

山西地震

蔚州地震有聲如雷屋宇震裂同時大同鎮堡各州縣俱地震有聲

五月盡賣民間種馬

明初馬有官牧有民牧官牧給邊鎮民牧給京軍皆有孳生駒給草場以資芻牧後專牧于民視丁田授馬始曰戶馬既曰種馬按歲徵駒種馬死孳生不及數輒賠補自豪右莊田占草場馬戶漸多逃竄穆宗從太僕少卿武金議賣種馬之半至是以互市餽馬盡賣之上馬八兩下至五兩又折徵草場地租銀以供團營買馬及各邊之請迨帝末年師役繁興往往借支太僕銀久之銀與馬兩竭網政由是大壞

質

實武金疏一種馬之設專為孳生備用備用馬既別買則種馬可遂省今備用馬既足三萬宜令每馬

折銀三十兩解太僕種馬盡賣輸兵部一馬十兩則直隸山東河南十二萬匹可得銀百二十萬且收草豆銀二十四萬御史謝廷傑謂祖制所定闕軍機不可廢兵部是廷傑言而是時內帑乏竭方分使括天下逋賦穆宗遂可金奏下

部議請養賣各半從之

秋八月遼東大雨雹

遼東定遼等衛雨雹如雞卵秋禾盡傷凡百餘里

實實

定遼衛凡中左右前後五衛皆在遼東都

指揮使司附郭

揚州大水

揚州泰興海門如皋等處狂風大作屋瓦如飛驟雨如注陂塘圩埂盡決漂沒官民屋舍凡數千間男婦死者無算實實泰興唐置縣明屬揚州府之通州今屬通州直隸州海門在通州東西十里後周置海明縣明為海門鄉屬通州今為廳仍屬通州

冬十一振真定順德廣平災

三府風災從巡按御史范鳴謙之請分別蠲振夏稅全徵者於秋糧抵免之



御定資治通鑑綱目三編卷二十六



總校官舉人臣章維桓

校對官員外臣張慎和

謄錄監生臣賈秉義